



大日本史記

本紀

五



門一曾  
冊 775  
卷 5

大日本史卷十一



天武天皇

本紀第十一  
權中納言從三位源光國修  
男權中納言從三位綱條校

天武天皇幼名大海人天智帝母弟也本書曰天命  
年立為東宮今不書說見天智紀按一代要記歷代  
皇紀皇年代畧記皆云七年二月戊寅立為皇太子  
本書天智紀曰七年二月戊寅立皇太后納嬪而無立  
東宮之文所謂七年即元年也要記等書繫戊寅者  
蓋因立后納嬪之生而岐疑及壯雄拔神武曉天文  
日而為文不足取生而岐疑及壯雄拔神武曉天文  
迨甲天智帝四年十月十一日庚辰帝疾病今糠拔

安麻呂召天皇安麻呂密謂天皇曰有意而言之天皇  
皇領之既而入臥內帝屬以後事天皇辭曰臣不常  
多病何能保社稷願陛下以鴻業屬皇太后立大友皇  
子爲儲君臣請今日出家爲陛下修初德帝許之天  
皇乃退入省中佛殿踞胡床剃髮爲僧帝使次田生  
磐賜袈裟天皇以所有兵器悉納之官十九日壬午  
入宮拜辭入吉野左大臣蘇我赤兄右大臣中臣金  
御史大夫蘇我果安等送至菟道是夕御島宮朔日  
至吉野命舍人等拔今修行佛道汝曹欲修道者留  
欲仕成名者歸舍人等不敢去及再命半留半去明

年五月朴井雄君來告曰臣頃至美濃時朝廷敕美  
濃尾張兩國司差山陵伎夫令各執兵臣意非唯爲  
山陵必有事矣若不早圖悔無及有人告曰近江京  
至倭京多置斥候命菟道守橋者遮吉野舍人運糧  
按水鏡愚管鈔是時帝大友妃  
十市皇女亦密裁書告吉野天皇聞而惡之令人  
伺察審得其實乃曰吾所以遜位者欲治病保身以  
終百年也事既如此吾豈坐取亡耶六月二十二日  
壬午命村國男依和珥部君手身毛廣身毛續日本  
紀作牟宣都  
曰今聞近江朝廷之臣悉謀害我汝三人者宜疾至  
美濃告安八磨郡湯沐令多品治宣示機要而先發

戒終得之乎進至

本郡兵且論國司等急發諸軍塞不破道吾亦上途  
二十四日甲申天皇將赴東一臣諫曰近江群臣元  
有陰謀必告天下道路難通今無一兵士徒手入東  
臣恐事不就矣天皇從之欲召還男依等乃遣大分  
惠尺黃書大伴逢志摩乞驛鈴於倭留守司高坂王  
因命惠尺等曰若不得鈴志摩當歸報惠尺當直至  
近江召高市大津二子會我於伊勢已而高坂王不  
與鈴惠尺乃往近江志摩歸白狀事出倉卒天皇遂  
不待駕而發正妃鸕野皇女輿從草壁皇子忍壁皇  
子及朴井雄君縣大養大伴佐伯大目大伴友國稚

櫻部五百瀨書根麻呂書智德山背小林山背部小  
由安斗智德調淡海等二十餘人女孀十餘人從焉  
道遇縣大養大伴之馬天皇乘之遇津振川車馬及  
之至菟田吾城大伴馬來田黃書大伴後至屯田司  
土師馬手餉于從者進過井羅村召獵人大伴朴本  
大國等二十餘人又徵美濃王皆來從逢伊勢運米  
馬五十匹奪之使從者乘至大野會日暮壞民舍籬  
爲炬以前夜半過隱郡燒驛家呼曰天皇入東國吏  
民來歸然無敢應者將渡橫河有黑雲竟天廣十餘  
丈天皇舉燭親乘式占曰此天下兩分之祥也然我

終得之乎進至伊賀郡又焚驛家還至中山郡司等  
率兵數百歸之二十五日乙酉黎明至新狹野停駕  
進食赴積殖山口高市皇子率民大火赤深德足大  
藏廣隅坂上國麻呂古市黑麻呂竹田大德膽香尾  
安倍自鹿深來會進經大山至伊勢鈴鹿按今昔物  
語載天皇  
微服獨出吉野備嘗艱苦田原里人獻粟志摩土人  
進水泐股女子匿天皇等事誕妄附會諸書所不載  
盛衰記亦載鈴鹿老翁匿天皇不取國司守三宅  
象使使天皇等事亦涉怪誕今故不取  
石床介三輪子首湯沐令田中足麻呂高田新家等  
來會發兵五百塞鈴鹿山道天皇進至川曲坂下會  
日暮正妃疲勞停駕少時夜曠欲雨乃發既而雷雨

暴寒從兵有凍者至三重郡焚屋一間以燠之二十  
六日丙戌晨至朝明郡迹太川上望拜伊勢大神大  
津皇子率大分惠尺難波三綱駒田勝忍人山邊安  
麻呂小壘田猪手添部眠枳大分稚見根金身添部  
友背等來會村國男依來報發兵三十塞不破道天  
皇廢之先命高市皇子赴不破監軍事皇子往居和  
躰遣山背部小田安斗阿加布於東海稚櫻部五百  
瀨土師馬手於東山發兵是夜天皇次桑名郡帝大  
友遣使徵諸道兵高市皇子兵虜書藥忍坂大麻呂  
于不破二十七日丁亥天皇入不破留正妃於桑名

尾張國司小子部鉏鉤率衆二萬來歸天皇大喜分遣其兵守諸道進至野上高市皇子來迎命之統掌軍事天皇造行宮于野上居焉是夜大雷雨天皇祈曰天神地祇祐我則雷雨息言訖即息二十八日戊子如和覽視軍二十九日己丑又如和覽即日還大伴吹負與倭京留守司坂上能毛及漢直等謀奪飛鳥寺西觀樹下營殺其將穗積百足擒穗積百枝物部日向招降留守司高坂王稚狹王遣大伴安麻呂等告狀不破天皇悅就拜吹負爲將軍三輪高市麻呂賀茂蝦夷等及諸豪傑屬吹負麾下規襲近江因

選英俊爲別將軍監七月庚寅朔吹負發軍赴乃樂至禰田分遣禰將守龍田大坂石手三道坂本財等赴龍田次平石野帝大友兵在高安城望風自燒積聚而遁財等進入之二日辛卯帝大友兵衝玉倉部邑天皇使出雲狗擊却之遣紀阿閉麻呂多品治三輪子首置始菟將兵數萬自伊勢大山赴倭村國男依書根麻呂和珥部君手膳香尾安倍將兵數萬自不破向近江以赤色著衣爲識別命多品治率三千衆屯荊荻野田中足麻呂守倉歷道帝大友將山部王糠我果安巨勢人將襲不破旣而其軍大亂羽田

八國以族來降天皇授斧鉞拜將軍北入越帝大友  
將壹岐韓國攻高安坂本財出城戰于衛我河西不  
克先是紀大音守懼坂道財等退與之合四日癸巳  
吹負與大野果安戰于乃樂山敗走五日甲午帝大  
友別將田邊小隅夜拔倉歷營田中足麻呂僅以身  
免六日乙未小隅又襲荊萩野多品治徹擊走之七  
日丙申男依等與帝大友軍戰于息長橫河破之斬  
其將境部藥九日戊戌男依擊秦友足於鳥籠山斬  
之是日東道將軍紀阿閉麻呂等聞吹負敗遣置始  
菟于倭京救之吹負遇之墨坂進屯金網井軍後振

與壹岐韓國戰于葦池上破走之吹負分軍三道親  
當中道與帝大友別將盧井鯨戰却之三輪高市麻  
呂置始菟當上道大破帝大友軍于箸陵衆勝斷鯨  
軍後鯨敗走倭地盡定十二日壬寅男依等進戰于  
安河上獲社戶大口土師千島十七日丙午擊粟太  
軍克之二十一日水鏡爲二辛亥諸將進至瀨田帝  
大友悉衆陣橋西撤板拒之大分稚見力戰而進衆  
兵踵之帝大友軍敗績男依等進軍粟津岡本將軍  
羽田八國率出雲狛攻三尾城下之二十三日壬子  
男依戰于粟津市斬其將大養五十君谷鹽手於是



帝大友軍大敗餘衆悉散二十四日癸丑諸將會後  
浪搜捕左右大臣以下及其黨與二十六日乙卯諸  
將詣不破宮奏捷八月二十五日甲申命高市皇子  
料近江群臣罪狀斬右大臣中臣金流左大臣蘇我  
赤兄御史大夫巨勢人及其子孫蘇我果安子其餘  
悉赦二十七日丙戌賞諸功臣是月進高市身狹村  
屋三神位廢御史大夫置大納言廢以下九月八日  
延喜式  
丙申天皇發不破還桑名十二日庚子至倭京居島  
宮十五日癸卯遷岡本宮十二月四日辛酉加進冠  
位於諸功臣賜小山以上有差是歲新羅貢調營宮

室于岡本宮南號飛鳥淨見原宮按本書十五年七  
月以朱鳥紀元年二  
飛鳥淨見原宮據之此時未應有宮號而明年二  
月亦云即帝位于飛鳥淨見原宮蓋追稱之也  
元年癸酉水鏡要記畧年代記並云壬申歲飛鳥  
三足赤雀因改元朱鳥皇紀帝王編年紀  
云信濃獻白雉改元白鳳而本書不揭年號以壬申  
歲為元年載獻白雉於二年今從本書不揭年號但  
以壬申歲屬帝大友以癸酉歲天皇即位紀元故與  
本書差一年考續日本紀聖武紀神龜元年十月詔  
曰白鳳以來朱鳥號明矣惟舍人所不取未詳其故  
建朱鳥白鳳年號明矣惟舍人所不取未詳其故則  
春正月七日癸巳錫宴群臣二月二十七日癸未即  
天皇位於飛鳥淨見原宮是為天淳中原瀛真人天  
皇立正妃鸕野皇女為皇后二十九日乙酉賜功臣  
爵有差三月十七日壬寅備後國司獲白雉於龜石

郡以獻救免本郡課役大赦天下是月始寫大藏經  
於川原寺夏閏六月八日壬辰耽羅王遣子久麻藝  
都羅宇麻朝貢十五日己亥新羅遣使賀登極別遣  
使弔天智帝喪本書注或云貢調使秋七月始置美濃不破關  
要記編年記八月二十日癸卯高麗貢調冬十二月  
五日丙戌侍奉大嘗中臣忌部及神宮播磨丹波二  
國郡司以下役夫等賜物有差賜郡司等爵各一級  
本書不書行大嘗蓋闕文也按中右記以此為大嘗  
會始然本書清寧天皇二年遣物部小楠徵大嘗供  
物據此則大嘗非十七日戊戌以小紫美濃王小錦  
始于此附以備考下紀堅麻呂為造高市大寺司本書注今大官大寺  
是也宋管原道真大

安寺緣起曰初推古帝二十五年聖德太子創伽藍  
於熊凝村號熊凝精舍及舒明帝即位移精舍於百  
濟川上改名百濟大寺至天武帝移寺  
于高市改名大官大寺今大安寺是也  
二年甲戌春三月七日丙辰白金始出於對馬獻諸  
神祇頒賜小錦以上大夫授其國司守忍海大國小  
錦下秋八月三日庚辰遣忍壁皇子於石上神宮整  
理神寶敕神府所藏諸家寶器還其子孫冬十月以  
大來皇女侍伊勢神宮  
三年乙亥春正月丙午朔大學寮諸學生陰陽寮外  
樂寮及舍衛女隨羅女百濟善光新羅人等獻樂及  
奇貨二日丁未皇子以下百寮朝拜三日戊申百寮

初位以上獻薪五日庚戌始起占星臺七日壬子賜  
宴群臣十七日壬戌公卿大夫及百寮初位以上射  
於西門庭是日大倭上瑞鷄東國上白鷹近江上白  
鷓二十三日戊辰奠幣諸社二月九日癸未敕大倭  
河內攝津山背播磨淡路丹波但馬近江若狹伊勢  
美濃尾張等國選百姓善謳男女及侏儒伎人以貢  
十五日己丑詔甲子歲所賜諸氏部曲及所賜親王  
諸王以下群臣諸寺之山澤浦嶼林野陂池皆除之  
二十三日丁酉行幸高安城是月新羅王遣子忠元  
入貢十六日庚申以象隈王為兵政官長小錦上火

伴御行為大輔是月高麗新羅貢調笈四月五日戊  
寅召僧尼二百餘口設火齋九日壬午詔諸國  
貸稅自今以後明審百姓貧富簡定三等中戶以下  
當與貸十四日癸未遣小紫美濃王小錦下佐伯廣  
足於龍田立野始祭風神遣小錦中間人大蓋火山  
中曾禰韓犬於廣瀨河曲祭大忌神自是著為常典  
常典據年中行事十七日庚寅詔曰自今以後漁獵者  
莫造檻穽及施機槍四月至九月禁設比彌沙伎理  
梁釋日本紀勿食牛馬鷄犬猿若石犯者罪之十八  
日辛卯三位麻績王績或作續有罪流于因幡按萬葉集流伊勢伊

良虞二子於伊豆島血鹿島二十三日丙申簡才藝  
者賜物有差秋七月七日巳酉遣使新羅以小錦上  
大伴國麻呂為大使小錦下三宅入石為副使八月  
二十二日癸巳大風是月耽羅王使子久麻伎入貢  
冬十月三日癸酉遣使四方求大藏經十日庚辰賜  
宴群臣十六日丙戌筑紫獻唐人三十口處之遠江  
二十日庚寅詔諸王以下初位以上每人備兵是日  
相模言高倉郡女子一產三男十一月三日癸卯賜  
宴宿直者爵一級要記曰是歲始行除目蓋據之乎是月地大動  
四年丙子春正月庚子朔百寮拜朝四日癸卯賜高

市皇子以下小錦以上大夫衣袴褶腰帶脚帶及几  
杖但小錦三階不賜几七日丙午賜小錦以上大夫  
物各有差十五日甲寅初位以上獻薪因賜宴按三年正月三日百寮獻薪據年中行事公事根源後世正月十五日獻薪蓋始于此故是後不書十六日  
乙卯射于西門庭賜物有差是日天皇宴島宮二十  
五日甲子詔凡任國司畿內及陸奧長門之外宮用  
大山位已下者二月大伴國麻呂等至自新羅夏四  
月四日辛丑大倭漆下郡鞆積吉事獻瑞鷄飽波郡  
言雌鷄化為雄十四日辛亥敕諸王諸臣食稅於西  
國者悉改賜之東國凡諸國欲進仕者臣連伴造國

造之子及庶人有才能者聽之五月三日庚午按諸  
國司輸調後期七日甲戌下野國司奏所部百姓凶  
年飢餓請賣子不聽是月敕禁南淵山細川山芻蕘  
重禁畿內山野濫樵蘓是夏大旱遣使四方奉幣神  
祇使僧尼禱三寶請雨秋七月二日戊辰進御大夫  
及百寮爵各有差是月長星東見八月二日丁酉賜  
親王以下小錦以上大夫及皇女姬王內命婦等食  
封各有差十六日辛亥詔將使諸國大解除因課每  
國國造郡司及民戶輸拔柱十七日壬子詔曰死刑  
沒官三流竝降一等徒罪以下已發覺未發覺悉赦

之但既流者不在赦例是日詔諸國放生九月丙寅  
朔雨不告朔十日乙亥給兵器於畿內十二日丁丑  
大宰三位屋恒王有罪流於土左十三日戊寅賜百  
寮及蕃客物有差二十一日丙戌神宮奏曰為新嘗  
卜國郡齋忌則尾張山田郡次則丹波訶沙郡本書注齊  
忌此云須岐冬十月乙未朔置酒宴群臣三日丁酉  
奠幣帛於新嘗諸神祇十日甲辰遣使新羅以大乙  
上物部麻呂為大使大乙中山背百足為副使十一  
月乙丑朔以新嘗事不告朔三日丁卯新羅貢調肅  
慎人從之來朝十九日癸未詔近京諸國放生二十

日甲申遣使諸國講金光明經仁王經二十三日丁亥高麗朝貢是歲五穀不登百姓飢乏

五年丁丑春正月十七日庚辰射于南門著為恒典

按本書天智帝九年正月辛巳詔士大夫射宮門內年中行事江家次第公事根源並以此為射禮之始所謂九年則即位三年也其後本書不書正月射至此又見自是以後比年書十七日射共為恒例明矣故此後

二月癸巳朔物部麻呂還自新羅是月救山背營賀茂神宮教以下年中行夏四月十一日壬寅

村田名倉坐指斥衆輿流伊豆島五月壬戌朔不告

朔七日戊辰新羅人漂著血鹿島是月旱京畿雩六

月十四日乙巳地大震是月詔東漢直等曰汝等族

類世濟其惡嘗犯七罪是以自小經田朝至近江朝每欲議其罪朕今將覈罪狀以處刑法而不忍盡滅其門故降大恩以原之自今而後若有怙終必罰不赦秋八月十五日乙巳設齋於飛鳥寺讀大藏經天皇御寺南門禮三寶像詔親王諸王及群卿各賜度者一人二十八日戊午耽羅王遣子都羅朝貢冬十月十四日癸卯以内小錦上河邊百枝為民部卿內大錦下丹比麻呂為攝津職大夫十一月己未朔雨不告朔大宰府獻赤烏賜府諸司物有差進本郡郡司爵賜獲者爵五級復郡中百姓一歲大赦天下十

二月己丑朔雪不告朔

六年戊寅春將祭天神地祇使天下悉祓起齋宮於倉梯河上夏四月七日癸巳將幸齋宮會十市皇女薨事遂寢十三日己亥震新宮西廳十四日庚子車駕臨十市皇女葬秋九月忍海能麻呂獻瑞稻杖徒罪以下冬十月甲申朔有物如綿降于難波時人謂之年露二十六日己酉詔曰凡内外文武宮簡其史以上屬<sup>官</sup>公平恪勤者議其優劣注擬品階每年正月以前送之法官法官覆考送大辨官若當出使非大故而辭不行者不在進階之例十二月二十七日己

卯臘子鳥群飛蔽天是月筑紫地大震民屋多倒七年己卯春正月七日戊子詔曰凡當新正諸王百官除兄姊以上親及其氏長之外勿拜諸王其姊非王姓及諸臣其母賤者亦勿拜雖非新正亦準此若有犯者罪之二月壬子朔高麗貢調四日乙卯詔曰將以辛巳歲閱兵馬親王諸臣及百寮宜豫備焉是月大賑民貧乏飢寒者三月七日丁亥天皇行幸越智謁後園本天皇陵二十二日壬寅賜貧乏僧尼綿布夏五月五日甲申行幸吉野宮六日乙酉天皇皇后與諸皇子盟七日丙戌車駕還宮六月庚戌朔雨

電二十三日壬申零秋七月六日甲申零八月己酉  
朔詔諸氏貢女十一日己未行幸泊瀬宴于迹鷺淵  
上先是詔玉卿曰騎乘之外別養細馬應召出之是  
日至迹見驛觀馳馬二十二日庚午縵忍勝獻嘉禾  
冬十月二日己酉詔曰朕聞近日里巷暴惡者多或  
容忍不治或蔽匿不正是玉卿等之過也若隨聞見  
以紂彈豈有暴惡乎自今以後務無倦怠而上責下  
過下諫上暴則國家治焉十一日戊午地震十七日  
甲子新羅貢獻十一月十四日庚寅地震二十三日  
己亥以火乙下倭馬飼部連為大使小乙下上光欠

為小使遣多禰島各賜爵一級是月始置龍田山大  
枝山二關築羅城於難波十二月二日戊申以嘉禾  
瑞賜親王諸臣百寮物各有差赦大辟以下是歲紀  
伊伊刀郡獻芝因幡獻瑞稻

八年庚辰春正月八日甲申天皇御向小殿宴玉卿  
於大殿庭二十日丙申攝津言活田村桃李實二月  
十八日癸亥東方有聲如鼓二十六日辛未有人獻  
獸角角上有肉時人以為麟角三月十日乙酉攝津  
獻白巫鳥二十三日戊戌行幸菟田吾城夏四月十  
一日乙卯攝寺火五月乙亥朔敕賜京內二十四寺



純綿絲布各有差是日始講金光明經於宮中及諸寺按江家次第公事振源並云御齊會始十三日丁亥高麗朝貢六月八日辛亥雨灰秋七月五日戊寅零十日癸未有朱雀集于南門八月五日丁未大水法官獻嘉禾十四日丙辰大風折樹發屋九月九日辛巳行幸朝孀觀大山位以下馬於長柄因命騎射二十三日乙未地震冬十月四日乙巳賑給京内僧尼百姓貧乏者純綿布有差十一月壬申朔日有食之三日甲戌夜東方明戊至子七日戊寅詔百官凡有利國家寬百姓之術須詣闕而言之十日辛巳雷

十二日癸未皇后不豫天皇為創藥師寺度一百僧赦囚按南都藥師寺所藏緣起曰天皇即位八年十月四年天皇崩皇后嗣位安置佛像經論以遂天皇宿志云云今藥師寺塔露盤銘見存二十四日乙未新羅貢調二十六日丁酉天皇不豫度一百僧尋愈辛丑晦臘子鳥群飛蔽天九年辛巳春正月二日壬申奠幣諸神祇七日丁丑天皇御向小殿會親王諸王於内安殿諸臣於外安殿置酒張樂年中行事公事振源曰七日節會始于此其說詳載持統紀三年十九日巳丑詔畿内及諸國繕修神社二月二十五日甲子天皇與皇后御大極殿詔親王諸王群臣曰將定

律令改法式然今求速成專力於茲恐公事有闕宜  
分人爲之是日立草壁皇子爲皇太子攝萬機三月  
十七日丙戌天皇御大極殿詔川島皇子忍壁皇子  
廣瀨王竹田王桑田王三野王大錦下上乞野三十  
小錦中忌部首小錦下河曇稻敷難波大形大山上  
中臣大島大山下平群子首撰帝紀及上古事二十  
一日庚寅地震二十五日甲午夏四月三日辛丑立  
式九十二條詔定親王以下至庶人服用色目五月  
十一日己卯祭皇祖御魂是日詔曰凡百寮黃緣宮  
人恭過甚或候門請託或納賄結好自今以後有如

此者隨事罪之六月十七日乙卯雩二十四日壬戌  
地震秋七月戊辰朔朱雀見四日辛未以小錦下采  
女筑羅爲大使當摩楯爲小使遣於新羅小錦下佐  
伯廣足爲大使小磐田麻呂爲小使遣於高麗丁酉  
晦敕天下大被國造等各出被柱奴婢一口八月十  
日丙子詔三韓民投化者嚮彼十年其始至者之子  
孫並免課役十六日壬午伊勢獻白茅鷓二十日丙  
戌遣多禰島使歸獻其地圖九月五日辛丑周勞獻  
赤龜放之島宮池八日甲辰敕凡諸氏有氏上未定  
者各定之告于理官十六日壬子慧星見十七日癸

丑癸惑入月冬十月丙寅朔日有食之六日癸未地震二十日乙酉新羅朝貢二十五日庚寅詔大山以下小建以上各上意見是月廣瀨野行宮成十一月二日丁酉地震

十年壬午春正月十九日癸丑地動三月甲午朔使小紫三野王及宮內官大夫等相新城地七日庚子地震十三日丙午敕境部石積等造新宇四十四卷十六日己酉行幸新城二十八日辛酉詔停新王以下食封悉納之官夏四月二十一日癸未筑紫大宰丹比島等獻大鐘二十二日甲申起蝦夷伊高岐那

等請以俘戶七千

本書一本七十作七十

別置一郡奏可二十

三日乙酉詔曰自今以後男女悉結髮以十二月晦爲限但結髮日再待敕旨婦女乘馬亦始于其日五月十六日戊申遣高麗使佐伯廣足還六月壬戌朔高麗朝貢秋七月三日甲午隼人來貢方物使大隅隼人與阿多隼人相撲十七日戊申地震二十七日戊午信濃吉備並言隕霜大風五穀不登八月壬戌朔敕親王以下群臣各陳法式應用之事三日甲子大星昏見自東流西五日丙寅定法令殿內虹見十一日壬申空中有物如幡火色北流群國皆見是日

白氣起於東山十二日癸酉地大動十七日戊寅地震是日平且虹見中天二十二日癸未定禮儀言語之制詔曰凡應考選者審檢其族姓操行而後選之若族姓未明則雖有操行不入考選之例二十八日己丑以日高皇女疾赦大辟以下男女一百九十八人二十九日庚寅度僧一百四十餘人於大官大寺各十月八日戊辰大酺十二月三日壬戌詔曰諸氏各定其氏上若其族多者分宗定之並告官司官司斟酌處之唯非本宗而係屬者莫輒附籍

十一年癸未春正月二日庚寅百寮拜朝筑紫大宰

丹比島獻三足雀七日乙未宴親王以下群臣于大極殿觀雀十八日丙午詔曰朕初登鴻祚以來天瑞多至傳聞行政之理協于天道則天瑞應之今當朕世每年重至一則以懼一則以嘉當與天下共享斯慶因賜小連以上物有差赦大辟以下罪免百姓課役二月己未朔詔大津皇子始聽朝政三月二日己丑置僧正僧都律師統治僧尼十九日丙午遣多禰島使歸秋七月四日己丑臨鏡姬玉第問疾十五日庚子零十八日癸卯車駕巡幸京師八月五日庚申大赦天下是月久不雨使百濟僧道藏祈之九月二

日丙戌大風冬十月十三日丁卯獵于倉梯十一月  
四日丁亥詔諸國習陳法十三日丙申新羅貢調十  
二月十三日丙寅遣五位伊勢王大錦下羽田八國  
小錦下多品治中臣大島及判官錄史工匠巡行天  
下定諸國疆域十七日庚午詔曰凡文武官及畿內  
有位者當以四孟月朝參若嬰疾不朝者官司具記  
以送法官又詔曰凡都城宮室不必一所苟得其宜  
二之三之今將難波百寮各往請宅地

十二年甲申春正月二十三日丙午天皇御東庭召  
善射者及休儒左右舍人等射二月二十八日庚辰  
遣淨廣肆廣瀨王小錦中大伴安麻呂及判官錄事  
工匠等於畿內三野王小錦下采女筑羅等於信濃  
相建都之地三月九日辛卯車駕巡幸京師定宮室  
之地夏四月五日丙辰赦徒罪以下二十日辛未遣  
使新羅小錦下高向麻呂為大使小山下都努牛飼  
為小使閏月五日丙戌詔令百寮習進止威儀又詔  
曰凡政要者軍事也文武官務肄兵馬其兵馬器械  
蓄儲勿闕其有馬者為騎士無馬者為步卒普宜訓  
練勿違聚會若忤詔旨親王以下至諸臣必罰大山  
以下當罰罰之當杖杖之其勅習得業者雖死罪減

二等但務已罷而故犯者不在赦例十一日壬辰三  
野王等獻信濃國圖十六日丁酉設齋宮中因赦有  
罪舍人等五月二十八日戊寅遣使高麗三輪引田  
難波麻呂為大使桑原人足為小使六月四日甲申  
粵秋七月四日癸丑行幸廣瀨二十三日壬申彗星  
西北見冬十月己卯朔詔定諸氏之姓以為八姓三  
日辛巳遣伊勢王等定諸國疆域是日遣使耽羅縣  
犬養手繼為大使川原加尼為小使十四日壬辰京  
師諸國地大震山崩川溢人畜多死伊豫溫泉壅土  
左田圃五十餘萬頃陷為海是夜東方有聲如鼓十

一月三日庚戌土左國司言海潮暴調船多沒二十  
一日戊辰隕星于東北七二十三日庚午水鏡為明  
十三日酉時隕星于東方大如盆戌時星隕如雨是月  
有星孛于昴十二月六日癸未新羅送入唐學生土  
師甥白猪寶然及百濟之役沒唐者猪使子首筑紫  
三宅得許至筑紫十三日庚寅赦死刑以下因是冬  
天皇不豫皇太子奉敕率百官禱于大官大寺天皇  
感夢而愈是冬以下水鏡元亨釋書是歲詔伊賀伊勢美濃尾張  
四國自今以後調年免役彼年免調倭葛城下郡言  
生四足鷄丹波氷上郡言生十二角犢

十三年乙酉春正月二日戊申百寮拜朝二十一日  
丁卯改爵位號增加階級諸王以上十二階諸臣四  
十八階是日授皇太子淨廣壹大津皇子淨大貳高  
市皇子淨廣貳川島皇子忍壁皇子並淨大參諸王  
諸臣進爵位各有差二月四日庚辰賜唐人百濟人  
高麗人一百四十七人爵位三月信濃雨灰草木皆  
枯夏四月四日己卯紀伊言牟婁溫泉墜五月五日  
庚戌射於南門車駕幸飛鳥寺禮佛供珍寶二十六  
日辛未高向麻呂都努牛飼等還自新羅秋七月二  
十六日庚午定明位以下進位以上朝服色二十七

日辛未詔免東山道美濃以東東海道伊勢以東諸  
國有位者課役八月十二日乙酉行幸淨土寺十三  
日丙戌行幸川原寺賜衆僧稻二十日癸巳遣耽羅  
使歸九月九日壬子宴於舊宮安殿庭是日皇子賜  
布有差十日癸丑始奉神寶於伊勢兩大神宮十日  
寶基本紀按本書云白鳳二年乙酉一本云朱雀二  
年乙酉白鳳朱雀年號本書不載既注于前今據乙  
酉年係於此園太曆延文二年引神宮舊記亦係是  
年云九月十日始奉神寶二十一種於二所太神宮  
詔每二十年改造兩大神宮行遷宮儀著為永式寶  
本紀按先是神宮隨壞修造無復定例所謂假殿遷  
宮是也持統四年九月丙午宮正遷宮六年九月外  
載每二十年修造之文而據寶基本紀係乙酉年寶

此<sup>昉</sup>于十一日甲寅分遣宮處王廣瀨王難波王竹田  
王彌努王於京畿檢民間兵器十五日戊午遣直廣  
肆都努牛飼于東海石川蟲名于東山佐味少麻呂  
于山陽巨勢粟持于山陰直廣參路迹見于南海直  
廣肆佐伯廣足于筑紫各副以判官一人史一人巡  
察國司郡司問民疾苦十八日辛酉御大宰殿召王  
卿博戲殿前十九日壬戌賜皇太子及王卿等四十  
八人羶皮山羊皮有差二十日癸亥遣高麗使歸二  
十四日丁卯天皇不豫誦經於大官川原飛鳥三寺  
禱之三日賜稻有差冬十月十日壬午以將行率東

間溫泉遣輕部足瀨高田新家荒田尾麻呂於信濃  
造行宮十二日甲申以淨大肆泊瀨王直廣肆巨勢  
馬飼及判官以下二十人掌畿內役十七日己丑遣  
伊勢王等於東國賜衣袴十一月二日甲辰給鐵一  
萬斤於周芳總領所給絕一百匹絲一百斤布三百  
端庸布四百常鐵一萬斤箭竹二千連於筑紫太宰  
以爲儲峙四日丙午詔曰凡諸國大角小角鼓吹幡  
旗弩枕之類咸藏之郡縣勿藏私家六日戊申行幸  
白錦後苑二十七日己巳新羅貢獻請政十二月四  
日乙亥遣筑紫防人飄蕩海中者給布十日辛巳地



震十九日庚寅皇后賜王卿等五十五人朝服  
朱鳥元年丙戌春正月二日癸卯御大極殿賜宴王  
卿是日攝津人百濟新興獻白瑪瑙九日庚戌召三  
綱律師及大官大寺知事僧等饗以葷肉十四日乙  
卯難波宮火十六日丁巳御大安殿宴諸王卿賜絕  
綿布有差十七日戊午宴後宮十八日己未大酺是  
日御齋殿賜倡優及歌謠者物有差十九日庚申  
地震二月五日乙亥授諸國司有切者九人勤位三  
月十日庚戌雪夏五月二十四日癸亥天皇不豫講  
藥師經于川原寺安居宮中以禱焉是月大赦天下

六月二日庚午授工匠陰陽師侍醫入唐書生等三  
十四人爵位七日乙亥加諸司有切者二十八人爵  
位十日戊寅上天皇疾草薙劔為祟因還納於尾張  
熱田社按天智帝元年新羅僧道行盜草薙劔而不  
社者蓋天智帝以十二日庚辰雪十六日甲申遣伊  
勢王等于飛鳥寺禱病十九日丁亥遣百官于川原  
寺然燈供養設大齋悔過秋七月三日辛丑詔諸國  
大被四日壬寅減天下戶調之半悉免徭役五日癸  
卯奉幣於國縣飛鳥住吉八日丙午召一百僧於宮  
中讀金光明經十日戊申民部省災十五日癸丑敕

曰天下事無大小悉啓皇后及皇太子是日大赦十  
九日丁巳詔天下貧民貸稻及貨財在乙酉年十二  
月三十日以前者不問公私皆免之二十日戊午建  
元朱鳥因名宮曰飛鳥淨見原二十八日丙寅度淨  
行者七十人設齋於御廩院是月諸王群臣造觀世  
音像講觀世音經於大宮大寺以禱天皇疾八月己  
巳朔度八十僧二日庚午度僧尼一百安百菩薩於  
宮中讀觀世音經二百卷九日丁丑禱天皇疾於神  
祇十三日辛巳遣秦石勝奉幣於土左大神九月九  
日丙午天皇崩于正殿紹運錄曰壽六十五二十四日辛酉殯

于南庭葬大內陵

延喜式曰檜隈大內陵

追謚曰天武天皇

右  
天保九戊戌年夏六月十七日於飽田郡高橋  
官邸謹書寫之  
中村萬喜直衛

大日本史卷十二

本紀第十二

權中納言從三位源光圀修  
男權中納言從三位綱條校

持統天皇

持統天皇小字鸕野讚良天智帝第二女母糠拔遠  
智娘齊明帝三年爲天武帝妃爲人深沈有大度節  
儉好禮有母儀德天智帝四年十月從天武帝入吉  
野及舉兵每與定謀議天武帝即位立爲皇后每議  
政事多所毗輔朱鳥元年帝疾劇敕天皇及皇太子

同決機務九月帝崩天皇臨朝攝制冬十月二日巳  
巳大津皇子圖不軌事發覺敕捕大津及其黨三十  
餘人三日庚午大津皇子賜死二十九日丙申詔曰  
皇子大津謀反誣誤吏民今大津已滅從者當坐者  
皆赦之唯礪杵道作流伊豆又詔新羅沙門行心與  
皇子大津謀反不忍加法徒飛驒十一月十七日癸  
丑地震十二月十九日乙酉為大行天皇本書書御  
名而三年  
五月責新羅使詔書大設無遮大會於大宮飛鳥川  
行天皇今據之下倣之  
原小墾田豐浦坂田諸寺二十六日壬辰賜京師高  
年孤獨布帛各有差閏月筑紫大宰獻三韓男女僧

尼六十二人是歲蛇犬相交而死

元年丁亥按愚管鈔皇代畧紀歷代皇紀等書天武  
帝崩後猶存朱鳥年號者七年本書以今  
年為元年不繫朱鳥而天皇以四年庚寅即位今當  
以即位年為元年然八年三月詔曰粵以七年歲次  
癸巳云云據此文則當時以  
是歲紀元明矣故今從之春正月丙寅朔皇太子  
率公卿百寮詣殯宮舉哀五日庚午復如之十五日  
庚辰賜京師年八十以上及篤癯貧不能自存者純  
綿各有差十九日甲申遣直廣肆田中泠麻呂追大  
貳守刈田等於新羅赴國喪三月十五日巳卯置高  
麗投化者五十六人於常陸二十二日丙戌置新羅  
投化者十四人於下野笈四月十日癸卯置筑紫大

宰所獻新羅投化者二十二人於武藏六月二十八日庚申赦秋七月二日甲子詔曰凡負債在乙酉年以前者莫收息若既役身者勿量息而役之九日辛未賞賜隼人大隅阿多魁師等三百三十七人各有差八月五日丙申嘗于殯宮是日御青飯二十八日己未以大行天皇御衣裁爲袈裟三百遣直大肆藤原大島黃書大伴於飛鳥寺賜三百僧九月九日庚午設國忌齋於京師諸寺十日辛未設齋殯宮二十三日甲申新羅王遣子金霜林請國政獻調賦冬十月二十二日壬子皇太子率公卿百寮國司國造等

築大內陵十二月三日癸巳爲天智帝設法會於崇

福寺永爲國忌

十二月以下江家次第公事根源

二年戊子春正月庚申朔皇太子率公卿百寮舉哀殯宮八日丁卯設無設遠大會于藥師寺二月十六日乙巳詔每國忌日設齋夏六月十一日戊戌詔天下極刑減罪一等輕罪悉赦後天下今年調賦之半秋七月十一日丁卯大雩二十日丙子命百濟僧道藏詣雨是日大雨八月十日丙申嘗於殯宮而舉哀十一日丁酉命淨大肆伊勢王奉宣葬儀二十五日辛亥耽羅貢獻冬十一月十一日乙丑葬天武天皇十

二月十二日丙申賜食蝦夷二百十三人於飛鳥寺  
授位賜物

三年己丑春正月甲寅朔御前殿受朝賀二日乙卯

大學寮獻杖八十年中行事公事根七日庚申宴公

卿賜袍袴按年行事公事根源七日節會始于天

每年必書蓋為恒九日壬戌詔使出雲國司上送蕃

式故此後不書人遭風浪者筑紫大宰粟田真人獻隼人一百七十

四人十六日己巳饗百官十八日辛未行幸吉野宮

二十一日甲戌還宮二月二十六日己酉以淨廣肆

竹田王直廣肆土師根麻呂大宅麻呂藤原史務大

肆當麻櫻井穗積山守中臣麻呂巨勢多益須大三

輪安麻呂為判事三月二十四日丙子大赦天下但

常赦所不免不在赦限夏四月八日庚寅置新羅投

化者於下毛野十三日乙未皇太子薨二十日壬寅

新羅遣使吊國喪五月二十二日甲戌敕土師根麻

呂責新羅失禮却其貢獻六月壬午朔賜筑紫大宰

衣裳二日癸未以施基皇子直廣肆佐味宿那麻呂

羽田齊勒廣肆伊余部馬飼調老人務大參大伴手

拍巨勢多益須等為撰善言司十九日庚子賜唐人

續守言薩弘恪等稻有差二十九日庚戌班令二十

二卷於諸司秋七月十五日丙寅詔左右京職及諸國司築射場二十日辛未流河內人柏原廣山于土左廣山偽獮兵衛兵衛生部虎捕之因授虎位追廣參八月二日壬午百官會神祇官奉宣天神地祇事四日甲申行幸吉野宮十六日丙申攝津武庫海一于步紀伊阿提郡那耆野伊賀伊賀郡身野各二万頃置吏禁漁獵準河內大鳥郡高脚海二十一日辛丑詔伊豫總領田中泆麻呂放讚吉所獻白燕二十三日癸卯觀射閏月十日庚申詔諸國司曰將以今冬造戶籍當糺捕浮浪限以九月每國四分其民而

點其一講習武事二十七日丁丑以淨廣肆河內王爲筑紫太宰帥授兵杖賜物九月十日己丑遣直廣參石上麻呂直廣肆石川蟲名等於筑紫齋位記且監新城冬十月十一日庚申行幸高安城十一月丙戌本書曰十一月己丑朔推甲子是月無丙戌據追廣貳高田石成閑三兵賜物十二月八日丙辰禁雙六

四年庚寅春正月戊寅朔天皇即位物部麻呂樹大盾神祇伯中臣大嶋讀天神壽詞忌部色夫智上神璽劔鏡百官列拜二日己卯公卿百寮拜朝如元會

儀三日庚辰賜宴公卿十七日甲午大赦天下但常赦所不免不在赦例賜有位人爵一級鰥寡孤獨篤癃貧不能自存者賜稻除調役二十日丁酉以解部一百人配刑部省二十三日庚子班幣於畿內神祇增神戶田地二月五日壬子行幸掖上陂觀公卿大夫馬<sup>十一日</sup>戊午新羅人五十口投化十七日甲子行幸吉野宮十九日丙寅設齋禁內二十五日壬申置新羅投化者十二人於武藏三月二十日丙申賜京畿年八十以上者稻人二十束有位者加布二端夏四月七日癸丑賜京畿耆老男女五千余人稻人二十束

十四日庚申詔百官及畿內人有位者限六年無位者限七年考其上日定爲九等其四等以上依考仕令量其功能殿最氏姓大小以授冠位定服色八等二十日戊辰祈雨五月三日戊寅行幸吉野宮十日乙酉百濟男女二十一人投化十五日庚寅安居宮中六月六日辛亥行幸泊瀨二十五日庚午召有位者使言其位次年齒秋七月丙子朔公卿百寮始著新制朝服三日戊寅班幣神祇五日庚辰以高市皇子爲太政大臣丹比島爲右大臣十四日己丑賜絲綿布於七寺安居僧三千余人八月四日戊申行幸



吉野宮十一日乙卯置新羅投化人於下毛野九月  
乙亥朔詔諸國司凡造戶籍一依戶令十一日乙酉  
以將巡狩紀伊下詔勿收京師今年租賦十三日丁  
亥行幸紀伊二十三日丁酉新羅遣使護送入唐留  
學僧及軍丁築紫人大伴部博麻至築紫二十四日  
戊戌車駕還宮冬十月五日戊申行幸吉野宮二十  
二日乙丑廢大伴部博麻顯節授位務大肆二十九  
日壬申令大政大臣高市皇子率百官相藤原宮地  
十一月十一日甲申始行元嘉曆儀鳳曆十二月十  
二日甲寅行幸吉野宮十四日丙辰還宮十九日辛

酉行幸藤原相宮地公卿百寮皆從二十三日乙丑  
賞賜公卿以下有差

五年辛卯春正月癸酉朔授位於親王諸臣內親王

女王內命婦等公事根源曰女叔位蓋始于此按帝

婦女位階本書所十四日丙戌直廣肆筑紫史益勒

恰二十九年詔廢其勞授食封五十戶賜綿布稻十

六日戊子行幸吉野宮二十三日乙未還宮二月壬

寅朔授宮人位記三月五日丙子觀馬御苑夏四月

辛丑朔詔曰凡祖先所免奴婢既除籍者其親族等

不得更訢為奴婢十六日丙辰行幸吉野宮二十二

日壬戌遷宮六月戊子今推甲子是月庚子朔無戊子疑戊午之訛戊午十九日也詔曰是夏滂雨過節恐必傷稼夕惕迄朝思念厥愆其令公卿百寮禁斷酒肉攝心悔過京畿諸寺僧誦經五日庶有應焉二十日己未大赦天下但盜賊不在赦例自四月至是月雨京師及郡國四十大水秋七月三日壬申行幸吉野宮是日伊豫國司田中泐麻呂獻宇和郡所出白金及鉏七日丙子宴公卿賜朝服十二日辛巳車駕還宮八月二十三日辛酉遣使祭龍田風神信濃須波水內等神九月九日丁丑津大參川島皇子薨冬十月戊戌朔日有食之十

三日庚戌置長生地於畿內及諸國是日行幸吉野

宮二十日丁巳還宮二十七日甲子遣使鎮祭藤原

宮地本書曰鎮祭新益京今據釋日本紀十一月戊辰朔大嘗二十五

日壬辰賜食公卿二十八日乙未公卿以下至主典

賜宴賚絹有差丁酉晦神祇官諸司及播磨因幡郡

司以下至百姓男女奉事大嘗者賜食賚絹各有差

六年壬辰春正月十二日戊寅天皇觀藤原京路十

六日壬午饗百官二十七日癸巳行幸高宮二十八

日甲午還宮三月十一日丁未以將率伊勢詔諸司

辦備衣物十九日乙卯赦輕繫是日中納言直大貳

三輪高市麻呂上表諫方農時遠幸按延喜式公卿補任始置中納言官未審何年唯職原三月三日戊辰以淨廣肆廣抄繫是日蓋以此爲始瀨王直廣參當麻智德直廣肆紀弓張等爲留守高市麻呂詣闕復諫不聽六日辛未行幸伊勢十七日壬午免車駕所過神郡及伊賀伊勢志摩今年調役校其國造等冠位從駕騎士諸司荷丁及造行宮役夫亦免今年調役大赦天下但盜賊不在赦例十九日甲申賜所過志摩百姓男女年八十以上稻入五十束二十日乙酉車駕還宮所過郡縣會吏民勞賜作樂二十九日甲午詔免近江美濃尾張參河遠江

等從駕騎士戶及諸國荷丁造行宮役夫今年調役賜天下百姓男女困窮者稻有差夏四月五日庚子除畿內民爲荷丁者今年調役二十五日庚申詔赦繫囚五月七日辛未相模獻赤烏雛十二日辛巳遣大夫謁者祭名山岳瀆祈雨二十三日丁亥遣淨廣肆難波王等鎮祭藤原宮地二十六日庚寅遣使奉幣伊勢大倭住吉紀伊大神告造新宮閏月三日丁酉大水遣使巡行郡國稟貸遭災不能自存者弛山林池澤禁詔京畿講金光明經乙酉今推甲子是月無乙酉乙蓋已之記已酉詔筑紫太宰率河內王等上送唐郭務棕十五日也

爲近江大津宮天皇所造阿彌陀像六月九日壬申  
敕郡國長吏禱名山岳瀆十一日甲戌遣大夫謁者  
於畿內祈雨二十一日甲申賞造大內陵勤勞不懈  
授直丁八人官位癸巳晦天皇觀藤原宮地秋七月  
二日乙未大赦天下但十惡盜賊不在赦例相模國  
司布勢色布智御浦郡少領姓名及獲赤鳥者鹿島  
櫛樟並授位賜物後本郡調役二年本書一本二年  
一作三年七  
日庚子賜宴公卿九日壬寅行幸吉野宮二十八日  
辛酉還宮是夜熒惑與歲星鬪八月三日乙丑赦十  
七日巳卯行幸飛鳥皇女田莊即日還宮九月九日

辛丑遣班田大夫於畿內十四日丙午神祇官上神  
寶書四卷鑰九木印一二十一日癸丑伊勢獻嘉禾  
越前獻白蛾冬十月十二日癸酉行幸吉野宮十九  
日庚辰還宮十一月八日戊戌新羅貢調十二月二  
十四日甲申遣使奉新羅調於伊勢住吉紀伊大倭  
菟名足五社

七年癸巳春正月二日壬辰詔令天下百姓著黃衣  
奴皂衣十三日癸卯賜京畿年八十已上有位者衾  
絕綿布十六日丙午賜京師男女年八十以上及窮  
乏者布有差是日漢人奏踏歌按江家次第正月十  
六日踏歌不書原始

而云天武天皇三年正月拜朝大極殿詔男女無別  
閣夜踏歌始於天武三年而奉書天武紀所不載其  
為踏歌始於天武三年而奉書天武紀所不載其  
書踏歌始於天武三年而奉書天武紀所不載其  
月然則踏歌二月三日壬戌新羅遣使赴其國喪十  
蓋始於此  
日巳巳詔造京司衣縫王等瘞其所掘之骸三月庚  
寅朔日有食之六日乙未行幸吉野宮十三日壬寅  
還宮十六日乙巳賜新羅王賻十七日丙午詔令天  
下勸植桑紵梨粟蕪菁夏四月十七日丙子遣大夫  
謁者祈雨諸社二十二日辛巳內藏允大伴男入苑  
野大伴監物巨勢邑治等坐贓解官典鑑置始多久  
以有壬申切宥之但其贓依律徵納本書諸本贓作賊據類聚國史

之訂五月巳丑朔行幸吉野宮七日乙未還宮十五日  
癸卯設無遮大會於內裏秋七月七日甲午行幸吉  
野宮十四日辛丑遣大夫謁者祈雨諸社十六日癸  
卯復如之是日車駕還宮八月戊午朔車駕巡行藤  
原宮地十七日甲戌行幸吉野宮二十一日戊寅還  
宮九月丁亥朔日有食之五日辛卯行幸多武峯武  
峯畧記引古記曰七年九月天皇敕定惠和尚六日  
奉為先帝令講妙經為拜彼會五日幸多武峯六日  
壬辰還宮十日丙申為天武帝設無遮大會於內裏  
悉赦繫囚冬十月二十三日巳卯始講仁王經於諸  
國四日元亨釋書監觴抄編年記並曰今年冬十月巳卯置仁王最勝二經於宮中立為恒式

十一月五日庚寅行幸吉野宮十日乙未還宮十二  
月二十一日丙子遣陣法博士等講武諸國是歲近  
江益須郡醴泉出

八年甲午春正月十六日庚子饗百官

按本書是日饗百官天武

紀朱鳥元年始書之此紀三年六年又書之是歲二  
至十一年每年必書其為恒例可知故是後不書

十一日乙巳行幸藤原宮即日還宮二十四日戊申  
行幸吉野宮三月甲申朔日有食之二日乙酉以直  
廣肆大宅麻呂勒大貳臺八島黃書本實為鑄錢司  
十六日巳亥詔曰粵以七年歲次癸巳醴泉出於近  
江國益須郡都賀山諸病者宿益須寺飲之多差其

給水田四町布六十端復益須郡今年調役雜徭國  
司頭以下至目進位一階其先得醴泉者葛野羽衝  
百濟土羅羅女賜絕二匹布十端鍬十口夏四月七  
日庚申行幸吉野宮丁亥本書一本作了未今推甲  
子是月無了亥了未疑了  
卯之記丁卯  
十四日也還宮五月六日戊子賜宴公卿大夫六  
月八日庚申河內獻白山雞授本郡大領少領位一  
級獲者刑部韓國進廣貳并賜物秋七月四日丙戌  
遣巡察使於諸國九月壬午朔日有食之四日乙酉  
行幸吉野宮冬十月二十日庚午授飛驒荒城郡獲  
白蝙蝠者第國郡第日進大肆賜絕綿布免其戶役

十一月二十六日丙午赦殊死以下十二月六日乙卯遷居藤原宮九日戊午百官拜朝十日己未親王以下至郡司賜絕綿布各有差十二日辛酉宴公卿大夫

九年乙未春閏二月八日丙戌行幸吉野宮十五日癸巳還宮三月二日己酉新羅王遣其子金良琳貢獻奏諸國政十二日己未行幸吉野宮十五日壬戌還宮二十三日庚午遣務廣貳文博勢進廣參下譯語諸田於多禰求蠻所居夏五月二十一日丁卯觀大隅隼人相撲六月三日己卯遣大夫謁者祈雨於

京畿諸社十六日壬辰賜諸臣年八十以上及痼疾者各有差十八日甲午行幸吉野宮二十六日壬寅還宮秋八月二十四日己亥行幸吉野九月乙巳朔還宮四日戊申原放行獄徒繫六日庚戌遣直廣肆小野毛野務大貳伊吉博德于新羅冬十月十一日乙酉行幸鬼田吉隱十二日丙戌還宮十二月五日戊寅行幸吉野宮十三日丙戌還宮

十年丙申春二月三日乙亥行幸吉野十三日乙酉還宮三月三日乙酉行幸二槻宮夏四月二十七日戊戌以伊豫風速郡物部藥肥後皮石郡土生諸石

久留唐褒其艱苦並授位追大貳復調役賜水田四町稻二千束絕絲布鍬二十八日巳亥行幸吉野五月四日乙巳還宮六月十八日戊午行幸吉野二十六月日丙申還宮秋七月辛丑朔日有食之二日壬寅赦十日庚戌大政大臣高市皇子薨本書書後皇子尊今據補任釋紀日本  
十一年丁酉春正月十一日戊申賜天下鰥寡孤獨篤癯貧不能自存者稻各有差二月十六日壬午立皇孫珂瑠為皇太子按文武帝為皇太子續日本紀係是月而無月日今據釋日本紀別記王于二十八日甲午以直廣壹當麻國見為東

宮大傳直廣參路跡見為大夫直大肆巨勢粟持為亮三月八日甲辰設無遮大會於東宮夏四月四日巳巳授滿選者淨位至直位有差七日壬申行幸吉野十四日巳卯還宮五月八日癸卯遣大夫謁者祈雨諸社六月天皇不豫二日丁卯赦六日辛未詔讀經於京畿諸寺十九日甲申班幣神祇秋七月七日辛丑赦常鑿盜賊一百九人因賜布人四常但外國者稻人二十束八月乙丑朔續日本紀作甲子朔與甲子儀曆亦然水鏡一代要記神皇正統記皇紀等書作丙申年八月朔皆誤禪位於皇太子大寶二年十二月二十二日甲寅崩水鏡畧記皆曰十日



崩今從續日本紀本書享年關紹遺詔停素服舉哀  
運錄正統記要記並曰年五十八遺詔停素服舉哀  
文武百官視事如常送終之儀務從儉約三年火葬  
于飛鳥岡柁于大内山陵謚曰大倭根子天之廣野  
日女尊遺詔以下追謚曰持統天皇

天保九戌戌年夏六月二十八日謹書寫之

中村萬喜直衛

大日本史卷十二終

大日本史卷十三

本紀第十三

權中納言從三位源光圀修  
男權中納言從三位綱條校

文武天皇

文武天皇小名珂瑠釋日本紀引園宮帝子母元明

帝按本書為第二子蓋以元以天武帝十一年生愚

抄一代天皇天縱寬仁愷不形邑博涉經史最善射

藝持統帝十一年二月立為皇太子

元年丁酉秋八月甲子朔皇太子受禪即天皇位於

藤原宮藤原宮據愚管尊持統帝為太上天皇水鏡

紀多治比島為右大臣如故公卿補任十七日庚辰詔免

今年田租雜徭及庸之半優恤高年賜親王已下百

官物有差令諸國每年放生二十日癸未以藤原宮

子娘為夫人紀寵門娘石川刀子娘為嬪本書作妃

見後二十九日壬辰賜王親及五位已上食封各有

差九月三日丙申京師嘉禾生近江獻白鼈丹波獻

白鹿冬十月十九日壬午陸奧蝦夷貢方物二十八

日辛卯新羅朝貢十二月十八日庚辰賜越後蝦狄

物有差閏月七日巳亥播磨備前備中周防淡路阿

波讚岐伊豫饑賑給之二十九日庚申禁正月往來

行行賀禮如有犯者依淨御原朝制決罰之但聽拜祖

兄氏上

二年戊戌春正月壬戌朔天皇御大極殿受朝百官

新羅使拜賀十七日戊寅供新羅貢物于諸社十九

日庚辰獻新羅貢物于大內陵二月五日丙申車駕

幸宇智郡三月五日乙丑因幡獻銅鑛十日庚午詔

諸國司等餘擬郡司勿有偏黨郡司居住奉法勿違

二十一日辛巳禁賀茂祭日會衆騎射按本書是月

往為律師僧綱補任以之為律師始據日本紀天武

帝十一年三月置僧正僧都律師統治僧尼非始于

此故夏四月十六日壬寅遣務廣貳文博士刑部真  
木等於南島寬國因給戎器二十九日戊午奉馬芳  
野水分峯祈雨五月庚申朔奉幣諸社祈雨五日甲  
子祈雨京畿名山大川十六日乙亥遣使諸國巡視  
田疇二十五日甲申敕太宰府繕治大野基肆鞠智  
三城六月十四日壬寅越後撤狄獻方物二十八日  
丙辰奉馬諸社祈雨秋七月己未朔日有食之七日  
乙丑始定答法檢覈公私奴婢又禁博戲遊手之徒  
十七日乙亥下野備前獻赤烏伊豫獻白鑠八月二  
十日丁未修高安城二十六日癸丑定朝儀九月七

日甲子下總大風十日丁卯遣託基皇子侍伊勢齋  
宮二十五日壬午周芳獻銅鑛冬十月四日庚寅藥  
師寺成二十三日己酉陸奧蝦夷獻方物十一月丁  
巳朔日有食之五日辛酉伊勢獻白鑠七日癸亥遣  
使諸國大枝二十三日乙卯大嘗十二月五日辛卯  
治對馬島金鑛二十一日丁未修越後石舩柵二十  
九日乙卯遷多氣大神宮於度合郡是歲越後近江  
紀伊疫給醫藥

三年己亥春正月二十六日壬午京師女子一產四  
子賜絕綿布稻乳母二十七日癸未行幸難波宮二

月二十二日丁未車駕還宮二十三日戊申免從駕  
騎兵今年調役三月九日甲子河內錦部郡獻白鳩  
詔免本郡今年租役獲者給復三年赦畿內徒罪已  
下二十七日壬午分遣巡察使于畿內夏四月二十  
五日己酉賜越後蝦夷爵五月二十四日丁丑流役  
小角於伊豆島六月十五日戊戌施山田寺封三百  
戶限以三十年是月天皇幸大安寺聚五百僧設大  
供養是月以下大安寺緣起天皇發誓欲造  
大佛像因夢兆懸大鏡於佛前請僧供養但  
無年月水鏡係是秋七月十九日辛未多襪夜久菴  
歲六月今據之  
美度感人從朝宰來貢度感島始通授位賜物各有

差二十一日癸酉淨廣貳弓削皇子薨八月八日己  
丑奉南島貢物於伊勢大神宮及諸社十一日壬辰  
賜百官物有差二十一日壬寅伊豫獻白燕九月十  
五日丙寅又修高安城二十日辛未詔正大貳已下  
無位已上蓄弓矢甲鉞兵馬又敕京畿蓄之冬十月  
十三日甲午以營越智山科二陵赦天下二十日辛  
丑遣淨廣肆衣縫王直大壹當麻國見等於越智淨  
廣肆大石王直大戴粟田真人等於山科修造山陵  
二十七日戊申遣巡察使于諸國十一月辛亥朔日  
有食之四日甲寅文博士刑部真木等至自南島十

二月四日甲申敕太宰府修三野柏積二城二十日

庚子始置鑄錢司按日本紀持統帝八年三月以大宅麻呂臺八島黃書本實為鑄錢

司此云始置未詳

四年庚子春二月十九日巳亥令越後佐渡修石舩

柵二十二日壬寅遣巡察使于東山道二十七日丁

未重敕王臣京畿蓄兵器三月十五日甲子詔王臣

讀令十七日丙寅定諸國牧地放牛馬夏五月十三

日辛酉以直廣肆佐伯麻呂為遣新羅大使勒大肆

佐味賀佐麻呂為小使六月三日庚辰敕筑紫總領

罰薩未肝衡等人剽劫刑部真木等者十七日甲午

敕淨大參忍壁親王直廣壹藤原不比等等選定律

令秋八月三日戊申畝傍賀久山成會陵墓及吉野

宮樹木無故凋枯十日乙卯長門獻白龜二十二日

丁卯敕但十惡劇盜不在赦限高年賜物又以巡察

使奏狀諸國司等隨其能否進階賜封褒阿倍御主

人大伴御行舩秦勝漆部道麻呂等治績授封賜物

冬十月八日壬子始置製衣冠司賜京畿年九十已

上僧尼絕綿布十九日癸亥佐伯麻呂等至自新羅

獻孔雀及珍物二十六日庚午遣使周防造船十一

月八日壬午新羅使來赴母王之喪二十一日乙未

遣使逮捕天下盜賊二十八日壬寅大倭葛上郡女子一產三子賜絕綿布稻及乳母十二月大倭疫給醫藥

大寶元年辛丑春正月乙亥朔天皇御大極殿受朝儀衛嚴整蕃客列位文物之美於是大備元日朝賀說見孝德紀大化二年至是其禮大備故此後不書四日戊寅御大安殿受祥瑞十八日壬辰以大納言大伴御行薨停大射二月四日丁未始置下物職十四日丁巳始釋奠十六日己未遣泉內親王侍伊勢齋宮二十日癸亥幸吉野離宮二十七日庚午還宮三月十五日戊子遣追大肆凡

海鹿鎌于陸與冶金二十一日甲午對馬島貢金建元曰大寶本書是年八月丁未載先是遣贈右大臣大伴御行大倭人三田五瀨於對馬島治成黃金至是詔授位賜封對馬島司及郡司等進位獲金者賜物百姓給復三年而註引年代曆曰後五瀨欺詐發露乃知贈右大臣為五瀨所誤也按水鏡要記並曰對馬始貢白銀因建元大寶朝野群載有對馬貢銀記據聖武紀天平感寶元年陸奧始貢黃金然則是年所貢者白金非黃金本直書貢金不黃白蓋有意乎又按日本紀天武帝二年對馬始依國司始貢白金水鏡要記云是歲始出誤矣始依新令改制官名位號停賜位冠易以位記定服色制罷中納言以大納言阿倍御主人為右大臣諸王群臣進爵有差二十六日己亥丹波地震三日夏四月甲辰朔日有食之七日庚戌敕右大臣辨下乞野古麻

呂等始講新令使諸王百官就習之十五日戊午奉幣諸社祈雨名山大川罷田領委國司巡檢五月五日丁丑天皇觀五位已上走馬按日本紀端午節宴書是年書觀走馬聖武帝神龜元年書觀獵騎四年書觀騎至天平十九年往書騎射孝謙帝天平寶字二年以聖武帝忌月詔廢節宴及光仁帝立又置籙本無明文寶龜八年書觀騎射則復之可知矣公事根源以為端午節宴始于推古帝蓋據日本紀五月五日藥獵免田之文也疑非節宴之始年中行事不載原始難能知何時著為永式而考索前後節宴始于天智帝而騎射權輿于此故此後不書二十七日己亥始改勅位已下號六月壬寅朔令道首名講僧尼令于大安寺二日癸卯始置內舍人九十人八日己酉敕凡厥庶務一依新令國宰郡司貯

置大稅必須如法如有闕怠隨事科斷是日遣使七道宣敕頒新印樣十六日丁巳宴王親侍臣於西高殿二十五日丙寅令四畿內祈雨免今年調二十九日庚午太上天皇幸吉野離宮秋七月十日辛巳還宮二十一日壬辰敕親王已下視其官位賜食封又論叙士申切臣賜食封有差是日左大臣多治比島按本書元年島為右大臣四年已後皆稱薨左大臣然不載轉任年月補任亦無所考八月三日癸卯律令成三品忍壁親王正三位藤原不比等已下賜物有差八日戊申遣明法博士於東海東山南海北陸山陰山陽六道講授新令九日己酉皇親

年滿者不論有官無官定祿粟之制十四日甲寅播  
磨淡路紀伊言大風海溢傷損田畝遣使巡恤造行  
宮及御舩於河內攝津紀伊二十一日辛酉參河遠  
江相摸近江信濃越前佐渡但馬伯耆出雲備前安  
藝周防長門紀伊讚岐伊豫蝗火風發屋損稼二十  
六日丙寅廢高安城令諸國加差衛士配衛門府九  
月九日戊寅遣使諸國賑恤百姓十八日丁亥天皇  
幸紀伊冬十月八日丁未如武漏溫泉九日戊申從  
官及國郡司等進階賜衣衾高年賜稻免今年租調  
曲赦本郡十九日戊午車駕至自紀伊萬葉集曰十  
月太上天皇

幸紀伊據本書九月天皇幸紀伊是日還宮而  
無太上天皇行幸之文太上一字疑衍故不取二十  
日己未免從駕騎士今年調庸役夫田租十一月四  
日壬申大赦天下九日丁丑令彈正臺巡察畿內十  
二月十日戊申賜諸王卿貲樣

二年壬寅春正月己巳朔天皇御大極殿受朝親王  
及大納言已上始著禮服諸王臣已下著朝服十五  
日癸未宴群臣於西閣奏樂賜物二月戊戌朔始頒  
新律於天下二十二日己未歌斐獻梓弓五百張送  
太宰府三月八日乙亥始頒度量於天下十二日己  
卯大祓大安殿鎮之天皇御新宮正殿齋戒頒幣帛



於天下諸社十七日甲申修大倭二槻離宮割越中  
四郡隸越後二十七日甲午信濃獻梓弓一十二十  
張送太宰府夏四月三日庚子申禁賀茂祭日騎射  
但本國之人不在禁限八日乙巳飛驒獻神馬大赦  
天下國司以下進位賜物百姓給復三年親王以下  
畿內有位者賜物免諸國今年田租減庸之半十日  
丁未秦廣庭獻杜谷樹八尋鉸根奉伊勢太神宮十  
三日庚戌詔定諸國國造之氏十五日壬子令筑紫  
七國及越後貢米女兵衛但陸奧勿貢五月二十一  
日丁亥敕從三位大伴安麻呂正四位下粟田真人

從四位上高向麻呂從四位下下乞野古麻呂小野  
毛野參議朝政六月六日壬寅復大倭吉野宇智二  
郡百姓二十八日甲子震海大養門二十九日乙丑  
遣使于唐守民部尚書粟田真人爲執節使左大辨  
高橋笠間爲大使右兵衛率坂合部大分爲副使秋  
七月十日乙亥詔中外文武官講習新令美濃大野  
郡人獻八蹄馬賜稻一十束十一日丙子行幸吉野  
離宮乙未晦始講律是日赦八月丙申朔薩摩多禰  
隼人反發兵討之檢戶置吏五日庚子駿河下總大  
風八日癸卯震日本武尊墓遣使祭之九月乙丑朔

日有食之十四日戊寅授討薩摩隼人軍士勲十九  
日癸未遣使伊賀伊勢美濃尾張參河營行宮二十  
三日丁亥大赦冬十月三日丁酉奉幣帛於太宰所  
部神九社以賽平唱更賊今本書注曰唱更國司等建  
柵置戍鎮之十日甲辰太上天皇幸參河免諸國今  
年田租按上文四月免諸國今年田租此亦云爾蓋  
駕所歷之諸國所免者接近飛驒之諸國而此所免者車  
日戊申頒律令於天下二十一日乙卯詔上自曾祖  
下至玄孫奕世孝順者舉戶給復表旌門閭以為義  
家十一月二十五日戊子太上天皇至自參河所過

國郡司及百姓授爵賜物免從駕騎士調十二月二  
日甲午天智帝天武帝忌日使諸司廢務六日戊戌  
星晝見十日壬寅始闢美濃岐蘓山道十三日乙巳  
太上天皇不豫大赦天下度一百僧令四畿內講金  
光明經二十二日甲寅太上天皇崩二十五日丁巳  
設齋四大寺二十九日辛酉殯于西殿是歲因幡伯  
耆隱岐蝗越後上野疫給醫藥駿河伊豆下總備中  
阿波飢遣使存恤  
三年癸卯春正月癸亥朔廢朝王卿百官拜大行天  
皇殯宮二日甲子遣正六位下藤原房前于東海道

從六位上多治比三宅麻呂于東山道從七位上高  
向大足于北陸道從七位下波多余射于山陰道正  
八位上穗積老于山陽道從七位上小野馬養于南  
海道正七位上大伴大沼田于西海道省察政績申  
理冤枉五日丁卯為大行天皇設齋于大安藥師元  
興弘福四寺九日辛未新羅使來赴其國喪二十日  
壬午以三品忍壁親王知太政官事二月三日乙未  
本書乙作丁今推  
前後干支訂之詔賞定律令仍賜下乞野古麻呂  
伊吉博德及調老人伊奈部馬養之子田及封戶有  
差十一日癸卯為大行天皇設齋于四大寺及四天

王山田等三十三寺三月十日辛未詔四大寺讀大  
般若經度一百僧夏四月二日癸巳為大行天皇設  
齋西殿閏月辛酉朔大赦右大臣阿倍御主人薨秋  
七月五日甲午詔曰籍帳之設有司符信逐時變更  
詐偽必起宜以庚午年籍為據又詔迺者災異頻見  
年穀不登其減京畿及太宰府管內諸國調半免天  
下之庸又詔五位已上舉賢良方正之士十三日壬  
寅讀金光明經於四大寺十七日丙午近江山焚遣  
使祈雨名山大川九月二十二日庚戌以從五位下  
波多廣足為遣新羅大使冬十一月十六日癸卯太

政官處分巡察使所上諸國郡司等有治能者式部  
依令稱舉有過失者刑部依律推斷十二月二十六  
日壬午葬持統天皇是歲信濃上野相模疫給醫藥  
按要記帝王編年記是歲始置  
東西市未知何據故附于此

慶雲元年甲辰春正月七日癸巳以大納言石上麻  
呂為右大臣二十五日辛亥始停百官跪伏之禮二  
月丙辰朔日有食之夏四月九日甲子鑄諸國印十  
五日庚午送信濃所獻弓一千四百張於太宰府五  
月十日甲午備前獻神馬慶雲見西樓上詔大赦天  
下改元慶雲水鏡曰五月五日大極殿西樓上慶  
雲見要記曰五日慶雲見十日改元賑

給高年癯疾免壬寅年以往大稅及出神馬郡今年  
調賜親王諸王百官使部已上物六月三日丁巳敕  
諸國兵士圍別分為十番每番教習十日務使鍛練  
令條之外不得雜使十一日乙丑河內古市郡女子  
一產三子賜絕綿布十五日己巳阿波獻木連理二  
十二日丙子奉幣諸社祈雨秋七月甲申朔粟田真  
人等至自唐三日丙戌左京職獻白燕下總獻白鳥  
九日壬辰遣使祈雨諸社十九日壬寅存問京師高  
年八十已上二十一日甲辰奉幣住吉社八月三日  
丙辰波多廣足至自新羅二十八日辛巳周防大風

損稼冬十月五日丁巳詔以旱滯不檢免今年田租  
徭役九日辛酉以正六位上幡文通為遣新羅大使  
十一月八日庚寅遣使伊勢奉幣帛鳳凰鏡窠子錦  
于大神宮十一日癸巳為持統帝設齋諸寺本書庚寅條在  
癸巳下今推二十日壬寅始定藤原宮地賜民一十  
甲子叙之  
五百五戶布皇代畧紀皇年代略記並曰大寶二年  
三月遷都今據本書是歲始定藤原宮地而不載十  
遷都事和銅三年元明帝遷都平城二書誤矣  
二月十日辛酉奉幣諸社二十日辛未大宰府言大  
風傷稼是歲信濃伊賀伊豆疫並給醫藥讚岐武藏  
饑備中備後安藝阿波苗損並賑恤之伊勢伊賀蝗

二年乙巳春正月十五日丙申宴文武百寮于朝堂  
三月四日癸未車駕幸倉橋離宮夏四月三日壬子  
詔曰朕以菲薄之躬託于王公之上不能德感上天  
仁及黎庶遂令陰陽錯謬水旱失時年穀不登民多  
菜色每念於此惻怛於心宜令五大寺讀金光明經  
為救民苦勿收天下今年舉稅之利並減庸之半五  
日甲寅遣使巡省天下諸國五月八日丙戌知太政  
官事忍壁親王薨二十五日癸卯幡文通至自新羅  
六月二十七日乙亥奉幣諸社祈雨二十八日丙子  
太政官奏比日亢旱田園焦枯雖久雪祈未蒙嘉謝

請使京畿淨行僧等祈雨罷設市廛閉塞南門從之  
秋七月二十九日丙午大倭大風八月十一日戊午  
詔曰陰陽失度炎旱彌旬百姓飢荒或陷罪網宜大  
赦天下與民更新死罪已下罪無輕重咸赦除之老  
疾鰥寡惻獨不能自存者量加賑恤其八虐常赦所  
不免者不在赦限免諸國調之半九月五日壬午詔  
二品穗積親王知太政官事九日丙戌建頭八咫鳥  
社于大倭宇太郡二十六日癸卯越前獻赤鳥冬十  
月二十六日壬申詔遣使東海東山北陸山陰南海  
五道賑恤高年老疾鰥寡孤獨免今年調之半丙子

晦新羅貢調十一月四日庚辰詔加親王諸王臣食  
封十二月十九日乙丑重制天下婦女自非神部齋  
宮宮人及老嫗皆髻髮是歲諸國二十飢疫給醫藥  
賑恤之

三年丙午春正月十七日壬辰定大射祿法閏月五  
日庚戌京畿紀伊因幡參河駿河疫給醫藥是日搜  
捕盜賊十二日戊午奉新羅調於伊勢神宮及七道  
諸社二十日乙丑敕以天下疾疫禱祀神祇二月十  
六日庚寅河內攝津出雲安藝紀伊讚岐伊豫飢賑  
恤之詔定群臣食封下制七條二十三日丁酉車駕

幸內野二十六日庚子索捕京畿盜賊三月十三日  
丙辰右京女子一產三子賜衣糧乳母十四日丁巳  
詔曰夫禮者天地經常人倫鎔範道德仁義因禮乃  
弘教訓正俗待禮而成此者諸司儀容多違禮節加  
以男女無別集會無度又聞京城內外多有穢冕良  
由所司不存檢察自今以後兩省五府差官吏衛士  
嚴加捉搦隨事科決其不可罪者錄狀以聞又詔曰  
軒冕之臣受代耕之祿有秩之輩無妨於農畝故召  
伯懋止耳棠公儀拔其園葵頃者王公諸臣多占山  
澤競懷貪婪有芻蕘者至輒奪其器加以賜地實有

一二畝踰峯跨谷妄爲疆界自今以後嚴加禁斷夏  
四月二十九日壬寅河內出雲備前安藝淡路讚岐  
伊豫飢疫遣使賑恤五月十五日丁巳河內獻白鳩  
六月癸酉朔日有食之四日丙子祈雨京畿名山火  
川秋七月二十四日乙丑丹波但馬山焚遣使奉幣  
神祇救之火倭狹嶺山焚二十八日巳巳周防獻白  
鹿東海東山北陸山陰山陽南海六道飢遣使賑給  
之太宰府言九國三島亢旱大風損稼遣使巡省免  
遭災甚者調役八月三日甲戌越前山焚遣使奉  
幣部內神救之二十一日壬辰以從五位下美努淨

麻呂為遣新羅大使二十九日庚子遣三品田形內親王侍伊勢大神宮九月十五日丙辰遣使七道始定田租法二十五日丙寅行幸難波冬十月十二日壬午還宮十五日乙酉免從駕諸國騎兵庸調田租十二月辛未朔日有食之是歲天下疾疫百姓多死始作土牛火儺

四年丁未春二月六日乙亥本書為正月今推甲子正月庚子朔無乙亥戊子甲午二月庚午朔以諸國疫遣使大被十九日戊子詔群臣議遷都二十五日甲午天皇御大極殿詔授成選人等位據年中行事公事根源列夏四月十

三日庚辰置固宮帝國忌十五日壬午詔增封大納言藤原不比等親王以下四位以上及內親王諸王嬪命婦等增封戶有差二十九日丙申大下飢疫賑恤之奉幣諸社讀經京畿及諸國佛寺五月十六日癸丑美濃女子一產三子賜穀乳母二十一日戊午畿內霖雨損苗遣使賑貸二十八日乙丑美努淨麻呂至自新羅六月丁卯朔日有食之十五日辛巳天皇崩年二十五年二十五據水鏡遺詔舉哀三日凶服一月謚曰倭根子天之真宗豐祖父天皇天之真宗據本書前後文皇記要記作天津足根大父天皇火葬飛鳥岡葬檜隈安古山陵



延喜式曰檜前追謚曰文武天皇  
安古園上陵

天保九戊戌年秋七月九日謹書之

中村萬喜直衛

大日本史卷十三終

大日本史卷十四

本紀第十四

權中納言從三位源光圀修  
男權中納言從三位綱條校

元明天皇

元明天皇小名阿閉天智帝第四女也母蘇我姪娘  
天皇適岡宮帝生文武元正二帝慶雲三年十一月  
文武帝不豫請天皇居皇位天皇謙讓固辭四年六  
月文武帝崩二十四日庚寅天皇御東樓召八省卿  
及五衛督率等告依遺詔攝萬機秋七月五日庚子

有事于大内山陵六日辛丑遣使太宰府授南島人  
位賜物各有差庚子辛丑二條本書錯十七日壬子  
即天皇位於大極殿愚管鈔歷代皇紀為六月十五  
日蓋以帝崩受遺詔之日為即  
位日年四十七水鏡作三十六一代  
要記四十九並誤穗積親王知太  
政官事石上麻呂為右大臣如故公卿是日宣詔大  
補任赦天下賜高年布粟有差復京師畿内及太宰所部  
今年調諸國今年田租二十一日丙辰始置授刀舍  
人察冬十一月二日丙申賑恤志摩二十日甲寅葬  
文武天皇十二月乙丑朔日有食之二十七日辛卯  
詔曰為政之道以禮為先無禮言亂言亂失旨往年

有詔停跪伏之禮今聞内外廳前皆不嚴肅進退無  
禮應對失度是則官司不恪自忘禮節之所致也自  
今以後宜嚴加糾彈革其弊俗使歸淳風是歲伊豫  
疫給藥

和銅元年戊申春正月十一日乙巳武藏秩父郡獻  
和銅宣詔改元和銅大赦天下賜高年百姓百歲以  
上粟三斛九十以上二斛八十以上一斛孝子順孫  
義夫節婦表其門閭優復三年賜鰥寡惻獨不能自  
存者粟一斛百官賜物有差諸國郡司加位一階但  
正六位上以上不在其限免武藏今年庸本郡調授

四品施基親王三品從二位石上麻呂藤原不比等  
以下進位有差二月十五日戊寅詔曰朕祇奉上玄  
君臨宇內以菲薄之德處紫宮之尊常以為作之者  
勞居之者逸遷都之事未必違議而王公大臣咸言  
徃古已降至于近代測日瞻星起宮室之基卜世相  
土建帝皇之邑定鼎之基永固無窮之業斯在衆議  
難排詞情深切然則京師者百官之府四海所歸唯  
朕一人豈獨逸豫苟利於物其可違乎昔殷王五遷  
受中興之號周后三定致太平之禩方今平城之地  
四禽叶圖三山作鎮龜筮並從宜建郡邑其營構資

用須隨事條奏待秋收後令造橋道子來之義勿致  
勞擾制度之宜今後不加三月十二日丙午以從四  
位上中臣意美麻呂為神祇伯右大臣石上麻呂為  
左大臣大納言藤原不比等為右大臣二十七日庚  
申美濃安八郡女子一產三子賜稻乳母夏五月十  
一日壬寅始行銀錢按日本紀顯宗紀曰粟斛銀錢  
一文然則先是既有銀錢像天  
武二年對馬始出白金顯宗紀所謂也二十九日庚申  
銀錢蓋異域所貢而至是始鑄之也  
長門言井露降六月二十八日巳丑詔令都下諸寺  
轉經祈宇內清平百姓安寧年中行事曰是年十月  
十七日敕旨起自是年  
年別一度讀大般若經是為季御讀經始要記曰是  
年二月始修季御讀經然本書所不載故附此以備

考秋七月十四日甲辰隱岐霖雨大風遣使賑恤十  
五日乙巳訓戒百官宅心王室敕曰朕聞忠淨守臣  
子之分遂受榮貴貪濁失臣子之道必被戮辱是天  
地之恒理君臣之明鏡汝等知此意各守所職勿有  
怠緩能堪時務者必舉而進亂失官事者必勿隱諱  
因進諸臣位賜文武職事五位已上物各有差十六  
日丙午詔賜京師僧尼及百姓年八十以上粟百歲  
二斛九十斛五十斛八十一斛八月十日已巳始行  
銅錢九月十四日壬申行幸管原二十日戊寅巡幸  
平城觀其地形二十二日庚辰行幸山背岡田離宮

二十七日乙酉幸春日離宮二十八日丙戌車駕還  
宮冬十月二日庚寅遣使奉幣大神宮告營平城宮  
十一月己未朔日有食之七日乙丑徙管原民給布  
穀二十一日己卯大嘗十二月五日癸巳鎮祭平城  
宮地是歲讚岐山背備前但馬伯耆疫給醫藥

二年己酉春正月二十五日壬午禁私鑄銀錢三月  
五日壬戌以左大辨巨勢麻呂爲鎮東將軍赴陸奧  
民部大輔佐伯石湯爲征狄將軍赴越後內藏頭紀  
諸人爲副徵遠江駿河甲斐信濃上野越前越中等  
兵征蝦夷二十三日庚辰始置造雜物法用司夏四

月丁亥朔日有食之五月二十日乙亥河內攝津山  
背伊豆甲斐霖雨損苗是日新羅使貢方物六月十  
六日辛丑遣使畿內零秋七月乙卯朔令諸國輸兵  
器于出羽棚十三日丁卯令越前越中越後佐渡送  
舟一百艘於征狄所八月二日乙酉廢銀錢行銅錢  
二十五日戊申征狄將軍佐伯石湯副將軍紀諸人  
等凱旋二十八日辛亥行幸平城宮九月二日乙卯  
車駕巡撫新京百姓五日戊午至自平城二十六日  
己卯遠江駿河甲斐常陸信濃上野陸奥越前越中  
越後等兵從役五十日以上賜復一年遣使東海東

山二道檢察開棧巡省風俗褒國守有政績者賜田  
穀衣物冬十月癸未朔日有食之十一日癸巳敕造  
平城京司有其墳隴遇發掘者隨即瘞埋普加祭酌  
十四日丙申制畿內近江百姓不畏法律容隱浮浪  
及逃亡仕丁等私以驅使非獨有百姓違慢法令亦  
是國司不加懲肅蠹害公私莫過于斯宜諭所部嚴  
加檢括二十八日庚戌詔比者遷都易邑動搖百姓  
難加鎮撫未能安堵宜免今年租調十二月五日下午  
亥車駕行幸平城宮是歲下總上總越中紀伊疫給  
藥救之億岐饑賑恤之

三年庚戌春正月二十九日庚辰以日向隼人曾君  
細麻呂教諭荒俗馴服政化詔授外從五位下二月  
二十九日庚戌初置守山戶禁伐木三月十日辛酉  
遷都于平城置左右京坊置以下以左大臣石上麻  
呂爲留守夏四月辛巳朔日有食之二十二日壬寅  
奉幣諸社祈雨名山大川秋九月十八日乙丑申禁  
銀錢冬十月戊寅朔日有食之是歲信濃疫給藥救  
之參河遠江美濃饑賑贍之

四年辛亥春正月二日丁未始置都亭驛夏四月丙  
子朔日有食之七日壬午詔授文武百寮成選者四

十六人位據年中行事公事振源擬階六月二十一

日乙未詔曰去年霖雨麥穗旣傷今夏亢旱稻苗殆  
損憐此蒼生仰彼雲漢今得膏雨有勝衆瑞宜與黎  
元共賀天心因賜文武百寮物有差闕月十四日丁  
巳始遣桃文師于諸國教織錦綾秋七月甲戌朔詔  
曰張謏律令年月已久然總行一二不能周悉良由  
諸司怠慢不存恪勤遂使名充員數空廢政事若有  
違犯隱孝第者以重罪之無有所原五日戊寅山背  
相樂郡女子一產三男賜絕綿布稻乳母九月癸酉  
朔日有食之二日甲戌詔曰凡衛士者非常之設不

虞之備必須勇健堪爲兵者而悉羸弱不習武藝徒有其名而不能爲益如臨大事何任扞禦傳不云乎不教民戰是謂棄之其專委長官簡黜勇敢使武之人每歲代易焉四日丙子敕頒諸國役民勞於造都奔亡相踵雖禁不止方今宮垣未成防守不備宜權立軍營禁守兵庫因以從四位下石上豐庭從五位下紀男入粟田必登等爲將軍冬十月二十三日甲子始依品位定其祿法十一月二十二日壬辰詔貸大稅於諸國三年勿收其利出舉私稻者息不得過半又賜畿內百姓年八十以上及孤獨不能自存

者衣食十二月二日壬寅以大初位上丹波千足等八人僞造外印私與人位流信濃六日丙午詔親王以下及豪強之家多占山野妨民產業自今而後嚴加禁斷若有可壅闕者宜告國司聽官處分是歲大倭佐渡飢賑恤之尾張疫給醫藥

帝王編年記曰是歲藤原宮火然本

書所不載故不書

五年壬子春正月十六日乙酉詔諸國役民還御之日食糧乏匱飢餒道路國司宜勤加撫養賑恤之如有死者宜瘞葬之錄其姓名報知本屬二十三日壬辰廢河內高安烽始置高見及大倭春日烽以達平

城二十八日丁酉正五位上太安麻呂上古事記十二  
八日以下據古事記序二月十九日戊午詔賜京畿高年鰥寡  
孀獨及僧尼老者絕綿米鹽有差三月三日壬申行  
幸春日山宮三日以下年中行事十九日戊子美濃獻木連理  
及白雁夏五月十三日辛巳詔諸國大稅三年賑貸  
者本爲濟百姓窮乏也今國郡司及里長等因緣弄  
法害政蠹民莫斯爲甚其爲姦利者以重論之罪在  
不赦十七日乙酉詔諸司主典以上朝集使等曰制  
法以來年月淹久未熟律令多所愆失若有違令者  
據律科斷其彈正每月三度巡察諸司糾正非違有

廢闕者具狀移送式部省又國司欲奏事宜擇幹事  
者充使隨問辨折不得凝滯若不盡者所由官人及  
使人並準上科斷自今以後每年遣巡察使檢校國  
內豐儉得失使者宜意存公平直告無隱若有經問  
發覺者科斷如前凡國司每年實錄官人切過行能  
皆附考狀送式部省省宜勘會是月駿河疫給藥六  
月七日乙巳地震秋七月十五日壬午伊賀獻玄狽  
八月二十三日庚申行幸高安城九月三日己巳詔  
朕聞歲在子穀不登而天地垂祐今茲大稔古有言  
曰祥瑞之美無以加豐年況彼伊賀國司所獻黑狽



殆協上瑞其文曰王者治致太平則見思與衆庶共  
此歡慶宜大赦天下免諸國今年田租及大倭河內  
山背調十九日乙酉以從五位下道首名為遣新羅  
大使二十三日己丑太政官議奏建國關疆武功所  
貴設官撫民文教所崇嚮者北鄙蝦狄遠憑險阻實  
縱狂心屢侵邊境自官軍雷擊凶賊霧消狄部晏然  
皇民無擾誠望便乘時機建置一國式樹司宰永鎮  
百姓奏可於是始置出羽國要記皇紀並云是月始  
置出雲國蓋出羽之記  
也要記又云四年七是歲造鷹居社於豐前宇佐郡  
月始置出羽國亦誤以下宇佐託宣集按造營神宮  
奉祀八幡大神諸說紛紜石清水八幡緣起曰仁德

帝遣使造宮宇佐郡馬城峰宇佐八幡宮是也又曰  
欽明帝十二年正月神靈始見一書矛角其說繆妄  
不足採託宣集神皇正統記並曰欽明帝三十二年  
月神靈始見於肥後茨形池憑語曰八幡大神而無  
造宮之文託宣集又曰聖武帝神龜元年遣使關小  
倉山造宮殿二年正月移神座奉神戶建彌勒寺及  
鐘樓云云其鐘樓彌勒寺今見在宇佐宮蓋是年始  
造鷹居社至聖武時移於宇佐鷹居社即為宇佐宮  
決可知矣但本書無明於天平九年始書  
筑紫住吉八幡二社故參考諸書于此  
六年癸丑春正月四日戊辰備前獻白鳩伯耆獻嘉  
飢二月甲午朔日有食之夏四月三日乙未割丹波  
五郡置丹後國割備前六郡置美作國割日向四郡  
置大隅國十六日戊申頒新格及權衡度量於天下  
五月二日甲子制畿內七道諸國郡鄉之名務用佳

字其郡內所產銀銅彩色草木鳥獸蟲等物具錄  
色目其土地沃墾山川原野名號所由及耆老所傳  
舊聞異事皆載籍奏上要記皇紀並曰五月作風土  
敕撰諸國風土記凡郡鄉村七日己巳制郡司大小  
里之名定用二字蓋據之也  
頌以終身為限非遷代之任而不善國司情有愛憎  
以非為是強使致仕奪理解却自今以後不得更然  
若齡及從心氣衰神昏或罹痼疾不堪時務者請歸  
田養身於理合聽須得奉書陳牒所司待其處分撰  
擇替補二十五日丁亥始令山背點乳牛五十六月  
二十三日乙卯行幸甕原離宮二十六日戊午還宮

秋七月五日丙寅詔曰授以勲級元由有功若不優  
異何以勸導今討倭賊將軍及士卒有功勞者一千  
二百八十餘人宜隨勞授勲焉六日丁卯大倭守太  
郡人得銅鐸於長岡野地而獻之其制異常音協律  
呂八月十日辛丑道首名至自新羅二十四日乙卯  
大風拔木發屋九月十九日己卯詔免祀銅四年以  
前公私出舉稻粟未償者冬十月八日戊戌還收諸  
寺多占田野其數過格者十一月辛酉朔伊賀伊勢  
尾張參河出羽言大風損稼免調庸十六日丙子大  
倭獻嘉蓮近江獻木連理但馬獻白雉十二月十六

日乙巳近江言慶雲見丹波獻白雉曲赦二國是歲  
志摩大隅大倭疫給藥讚岐饑賑之

七年甲寅春正月三日壬戌益二品長親王舍人親  
王新田部親王三品施基親王封各二百戶從三位

長屋王一百戶金給食封田租自此始矣二月己丑

朔日有食之十日戊戌詔從六位上紀清人正八位

下三宅藤麻呂撰國史本書無正八位下四字據類聚國史日本紀畧補之十

四日壬寅遣使七道錄囚徒二十二日己卯行幸甕

原離宮夏五月二十八日癸丑土左女子一產三子

賜穀乳母六月二十三日戊寅詔曰頃者陰陽舛謬

氣序乖違南畝方興膏澤未降宜以幣帛奉諸社祈

雨名山大川庶致嘉澍勿虧農桑二十五日庚辰立

皇孫豐櫻彥皇子為皇太子加元服本書書皇太子

立之文按聖武紀七年六月立為皇太子要記皇紀並係是日故今從之二十八日發未

大赦天下賜高年百歲以上穀五斛九十以上三斛

八十以上一斛孝子順孫義夫節婦表其門閭終身

勿事鰥寡孤獨篤癘不能自存者所司量加賑恤冬

十月乙卯朔美濃武藏下野伯耆播磨伊豫大風免

今年租調十二月二十六日己卯新羅朝貢

八年乙卯春正月甲申朔天皇御大極殿皇太子始

拜朝陸奧出羽蝦夷南島奄美夜久度感信覺球美  
等人來朝貢獻方物列鼓吹騎兵於朱雀門元會設  
鉦鼓自是始矣是日慶雲東見遠江獻白狐丹波獻  
白鵠十日癸巳詔以皇太子始拜朝瑞雲見大赦天  
下授二品穗積親王一品三品施基親王二品內外  
文武官進位各有差二月壬午朔行幸甕原離宮夏  
四月九日庚申充櫛見山陵守陵三戶伏見山陵四  
戶五月辛巳朔敕諸國朝集使曰天下百姓多甘本  
質離散他鄉規避課從其淹留踰三月者卽土斷輸  
調庸從當國法又撫導百姓勸課農桑心存字育能

救饑寒國郡之善政也身在公廷心顧私門妨奪農  
業侵牟萬民國家之大蠹也其催勸產業資產豐足  
者爲上等雖加催勸衣食乏匱者爲中等田疇荒廢  
百姓飢寒因致死亡者爲下等十人以上順解見任  
又四民之徒各有其業今失職流亡是由國郡司教  
導無方也有如此類必加顯戮自今而後遣巡察使  
于天下觀省風俗宜勸敦德政庶彼周行其諸國百  
姓往來所過宜用本國印十二日壬辰伯耆言甘露  
降十四日甲午詔曰凡諸國運輸調庸各有期限今  
國司怠慢違期遂妨耕農運送之民仍致勞擾自今

以後有如此類以重論之又海路漕庸輒委養民或  
已漂失或多濕損是由國司不遵先制也宜節級科  
罪所損之物卽徵國司又五兵之用自古尚矣朕強  
懷柔咸憑武德今六道諸國造營器仗不甚牢固臨  
宴何用自今每年貢樣巡察使出日審爲校勘二十  
五日乙巳本昏在巳亥上遠江地震山崩麓玉河壅  
二十六日丙午參河地震百姓廬舍往往陷沒庚戌  
晦徙相摸上總常陸上野武藏下野富民千戶配陸  
奧六月四日甲寅一品長親王薨按長親王前此未  
叙一品今從曰文  
說見皇子傳 十二日壬戌太政官奏懸象失度亢旱彌旬

恐東臯不耕南畝損稼菅者周王過旱有雲漢之詩  
漢帝祈雨降改元之詔人君之願載感上天請奉幣  
帛祈於諸社十三日癸亥設齋於弘福法隆二寺詔  
遣使奉幣帛於諸社祈雨名山大川不數日澍雨大  
洽時人以爲聖德所感因賜百官物有差是夏丹波  
丹後攝津紀伊武藏越前志廣饑賑贍之秋七月庚  
辰朔日有食之十日己丑地震本昏地字攏  
類聚國史補之行幸  
甕原離宮二十七日丙午補任爲知大政官事一品  
穗積親王薨八月二十八日丁丑左京人獻靈龜九  
月二日庚辰詔曰乾道統天文明於是馭寓大宝曰

位宸極所以居尊昔者揖讓之君旁求歷試征伐之  
主繼體兼基貽厥後昆克隆祚朕君臨天下撫育  
黎元蒙上天之保休賴祖宗之遺慶海內晏靜區夏  
安寧然而兢兢之志夙夜不怠翼翼之情日慎一日  
憂勞庶政九載于茲今精華漸衰耄期將至深求間  
逸高蹈風雲釋累遺塵將同脫屣欲以神器讓皇太  
子而年齡幼稚未離深宮庶務多端一日萬幾一品  
永高內親王早叶祥符夙彰德音天縱寬仁沉靜婉  
孌華夏載仲謳詠知歸今傳皇帝位于內親王公卿  
百寮宜悉祇奉以稱朕意焉是日傳位于永高內親

王養老五年五月不豫十二月七日巳卯崩於中安

殿

水鏡爲四日按要記四日落飾卽崩皇年  
代畧記五日落飾然本書所不載故不取年六十

一遺詔右大臣長屋王參議藤原房前曰朕聞萬物  
之生靡不有死此則天地定理矣可悲哀厚葬破業  
重服傷生朕甚不取焉朕崩之後宜於大倭國添上  
郡藏寶山雍良岑造竈火葬勿復他求謚號稱某國  
其郡朝廷馭宇天皇傳示後世皇帝綜理萬機一同  
平日王侯卿相文武百官不得輒離職掌追隨喪車  
各守本司視事如恒其近侍官及五衛府務加警衛  
以備不虞又詔葬事所須一依前敕勿致闕失輜車

靈駕不得利鏤金玉績飾丹青素薄是用卑謙是從  
丘體無鑿就山作竈莫棘閑場卽爲葬地植不凋之  
樹立刻字之碑葬惟山陵延喜式曰奈謚曰日本根  
子天津御代豐國成姬天皇追謚曰元明天皇

天保九戊戌年秋八月朔日謹書寫之

中村萬喜直道

大日本史卷十四終

大日本史卷十五

本紀第十五

權中納言從三位源光圀修  
男權中納言從三位綱條校

元正天皇

元正天皇諱冰高

大安寺緣起帝王編年

一名新家

日本紀

文武紀 文武帝之甥也神識深沉言據典禮爲內親

王位二品食封一千戶和銅八年正月進叙一品九  
月二日庚辰受元明帝禪卽天皇位大極殿時年三  
十六尊元明帝曰太上天皇

尊以下歷代皇仍

櫻彥皇子爲皇太子石上麻呂爲左大臣藤原不比  
等爲右大臣如故石上以下是日詔以獲瑞龜改和  
銅八年爲靈龜元年大赦天下

靈龜元年乙卯冬十月七日乙卯詔曰國家隆泰要  
在富民富民之本務在貨食故男勤耕耘女修紡織  
家有衣食之饒人生廉耻之心刑措之化爰興太平  
之風可致凡厥吏民豈不勗諸今諸國百姓未盡產  
術惟趣水澤之種不知陸田之利或遭滂旱更無餘  
穀秋稼若罷多致饑饉非惟百姓懈懶忘業忘業二字據三  
代格良由國司不存教導宜令百姓兼種麥禾凡粟  
補之

之爲物久不敗於諸穀中最爲精好宜以此狀遍  
告天下盡力耕種莫失時候自餘雜穀任力課之若  
有百姓輸粟轉稻者聽之十二月己酉朔日有食之  
十一日己未常陸久茲郡女一產三男賜穀乳母  
二年丙辰春正月戊寅朔以雨廢朝四日辛巳地震  
夏四月十三日戊午雨雹十九日甲子割河內大鳥  
和泉日根三郡置和泉監二十日乙丑詔曰凡貢調  
脚夫入京之日所司親臨察其備儲若有國司勒加  
勸課能合上制則與字育和惠肅清所部之最不存  
教諭事有關之則處撫養非方境內荒蕪之科依其



功過必加點階又比年討帳具言如功推勸物數足  
以掩身然入京役夫衣服破弊菜色猶多空著公帳  
徒延聲譽務為欺謾以邀其課國郡司如此朕將何  
任自今以後宜恤民隱以制所委仍錄郡內豐儉農  
桑增益以聞五月十六日辛卯移元興寺于左京六  
月始修神今食六月以下公事根源按神今食八  
月九日壬子二品施基親王薨本月書曰甲寅薨甲寅  
仁紀寶龜二年始設田原天皇八月九日也按本書光  
寶錄國忌廢置亦為九日蓋九日薨而十一日奏之  
故本書係甲寅今定為九日萬二十日癸亥以從四  
葉集為靈龜元年九月薨誤矣  
位下多治比縣守為遣唐押使從五位上安麻呂為

大使正六位下藤原馬養為副使九月四日丙子以  
從五位下大伴山守代安麻呂為遣唐大使二十三  
日乙未徙陸奧置賜最上二郡信濃上野越前越後  
百姓各百戶隸出羽冬十月壬戌申禁內外諸司簿  
紗朝服六位已下羅幘頭十一月十九日辛卯大嘗  
閏月癸卯朔日有食之  
養老元年丁巳春二月十一日壬午天皇幸難波宮  
十五日丙戌行至和泉宮十九日庚寅還至竹原井  
頓宮二十日辛卯車駕還宮二十六日丁酉配信濃  
上野越前越後百姓各一百戶於出羽柵三月三日

癸卯左大臣石上麻呂薨夏四月六日乙亥遣久勢  
女王侍大神宮十四日癸未太政官奏定調庸并兩  
長短法十七日丙戌祈雨畿內本書在癸未上二十  
三日壬辰詔曰置職任能所以教導愚民設法立制  
由其禁斷姦非頃者百姓乖違法律恣任其情剪髮  
髡鬢輒著道服貌似桑門情挾奸賊詐僞所以生姦  
究自斯起其弊一也凡僧尼寂居寺家受教傳道准  
令其有乞食者三綱連署午前捧鉢告乞不得因此  
更乞餘物方今小僧行基及弟子等零疊街衢妄說  
罪福合構明黨焚剝指臂歷門假說強乞餘物詐稱

聖道妖惑百姓道俗擾亂四民棄業進違釋教退犯  
法令其弊二也僧尼依佛道持神咒救病徒施湯藥  
於令聽之方今僧尼輒至人家祈禱疾病妄挾巫術  
逆占吉凶脅懾菴穉稍致有求道俗無別終生姦亂  
其弊三也實由主司不嚴致有此弊自今而後布告  
村里務加禁止若有重病應救請淨行者歷告僧綱  
三綱連署刻期令赴二十五日甲午天皇御西朝大  
隅薩摩隼人奏風俗歌舞授位賜物各有差五月十  
七日丙辰詔曰率土百姓浮浪四方規避課役遂使  
王臣或望資人或求得度王臣不經本屬私自驅使

囑請國郡遂成其志因茲流寓天下不還鄉里若有  
斯輩輒私容止者揆狀科罪並如律令二十二日辛  
酉頒大計帳四季帳六年見丁帳青苗簿輸租帳等  
式於七道六月己巳朔右京女子一產三女賜衣糧  
乳母自四月不雨至是月秋九月十一日丁未行幸  
美濃十二日戊申行至近江觀淡海十八日甲寅至  
美濃二十日丙辰幸當耆郡多度山美泉二十七日  
癸亥還至近江二十八日甲子車駕還宮冬十月二  
十一日丁亥以從四位下藤原房前參議朝政十一  
月丁酉朔日有食之八日甲辰給復高麗百濟投化

者十七日癸丑

水鏡作七日一代要記  
編年記作十一日並誤

天皇臨軒詔

曰朕以今年九月至美濃國不破行宮觀當耆郡多  
度山美泉親盥手面皮膚如滑洗澡疾痛莫不除愈  
又就而飲浴之者或白髮反黑或昏目加明自餘痼  
疾咸皆平愈嘗聞後漢光武時醴泉出飲者病愈符  
瑞書曰醴泉者美泉也可以養老蓋水之精也寔惟  
美泉即合大瑞朕雖庸虛何違天貺可大赦天下改  
靈龜三年為養老元年天下老人年八十以上授位  
一階賜粟布純綿各<sup>絕</sup>有差孝子順孫義夫節婦表其  
門閭終身勿事鰥寡悖獨疾病之徒不能自存者量

加賑恤使長官親自慰問給施湯藥復當耆郡明年  
調庸餘郡庸百官賜物有差二十一日丁巳車駕幸  
和泉離宮免河內今年調二十二日戊午詔定絹絕  
長短闊狹之法本書在丁巳上今推甲子叙之十二月二十二日丁  
亥令美濃立春曉挹醴泉貢於京師爲醴酒

二年戊午春正月五日庚子詔授二品舍人親王一  
品二月七日壬申行幸美濃醴泉三月三日戊戌還  
宮二十日乙卯以少納言小野馬養爲遣新羅大使  
夏五月甲午朔日有食之二日乙未割越前國四郡  
置能登國割上總四郡置安房國割常陸六郡置石

城國割五郡置石背國二十七日庚申定衛士數國

有差秋九月

本書月闕據類聚國史補之

二十三日甲寅移法興

寺於京師冬十一月十二日壬寅彗星守月二十三  
日癸丑始差畿內兵守衛宮城十二月七日丙寅詔  
曰朕君臨天下四年于茲上則昊穹下字黎庶庸愚  
之民自挂踈網有司之法寘于常憲每念於此朕甚  
愍焉思欲廣開至道救扇淳風爲惡之徒感深仁以  
遷善有犯之輩遵令軌以靡風但古來大赦八虐不  
霽朕恭思爲太上天皇降非常之澤可大赦天下養  
老二年十二月七日子時以前大辟以下罪無輕重

繫囚見徒私鑄錢及盜賊八虐常赦所不原咸赦除  
之布告天下知朕意焉十三日壬申多治比縣守等  
至自唐是歲重敕右大臣藤原不比等修律令各十

卷

是歲以下水鏡令義解

三年己未春三月庚寅朔以大風廢朝二日辛卯天  
皇御大極殿受朝二月三日壬戌初令天下百姓右  
社職事主典已上執笏十日己巳小野馬養等還自  
新羅十一日庚午駕車幸和泉宮十七日丙子還宮  
三月二十六日乙卯地震夏五月己丑朔日有食之  
六月十日丁卯使皇太子始聽朝政秋七月九日丙

申配東海東山北陸三道民二百戶於出羽柵十三  
日庚子始置按察使巡省諸國閏月七日癸亥新羅  
貢調十一日丁卯以大外記白猪廣成爲遣新羅使  
九月八日癸亥置河內攝津山背攝官二十二日丁  
丑開義倉賑贍六道諸國旱飢冬十月十四日戊戌  
減京畿七道諸國軍團及大少敎兵數有差十七日  
辛丑詔一品舍人親王二品新田部親王輔佐皇太  
子十二月五日戊子始定婦女衣服制

四年庚申春正月甲寅朔太宰府獻白鳩十一日甲  
子白虹竟天十七日庚午熒惑逆行二十三日丙子

遣渡嶋津輕津司等於靺鞨國觀其風俗二月十五日戊戌地動二月以下二十九日壬子太宰府奏集人反殺大隅國守陽疾麻呂三月四日丙辰以中納言大伴旅人為征隼人持節大將軍授刀助笠御室民部少輔巨勢真人為副將軍十一日癸亥敕度僧三百二十人夏五月二十一日癸酉頒尺樣於諸國是日一品舍人親王上日本紀秋七月三日甲寅賜征西將士物有差八月辛巳朔以右大臣藤原不比等病大赦天下三日癸未不比等薨四日甲申以舍人親王為知太政官事新田部親王知五衛及授刀

舍人事十二日壬辰以隼人粗平召持節大將軍大伴旅人還京師本書在甲申上九月庚戌朔日有食之二十八日丁丑陸奧言蝦夷反敕按察使上乞野廣人二十九日戊寅以播磨按察使丹治比縣守為持節征夷將軍左京亮下乞野石代為副將軍從五位上阿倍駿河為持節鎮狄將軍以討蝦夷是月始修放生會是月以下水鏡公事根元冬十月十七日丙申始置養民造器二司十一月八日丙辰授南嶋人二百三十二人位有差  
五年辛酉春正月戊申朔武藏上野並獻赤鳥甲斐

獻白狐尾張言小鳥生大鳥三日庚戌雷五日壬子  
以大納言長屋王爲右大臣二十四日辛未地震二  
十五日壬申又震二十七日甲戌詔曰至公無私國  
士之常風以忠事君臣子之恒道當須各勤所職退  
食自公康哉之歌不遠隆平之基斯在災異消上休  
徵協下自今以去若有風雨雷震之異文武廢僚各  
存極言忠正之志又詔文人武士國家所重醫卜方  
術古今斯崇宜擢百僚之內優游學業堪爲師範者  
特加賞賜勸勵後生因賜諸道博士醫術伎工等物  
有差二月七日甲申地震十五日壬辰大藏省倉鳴

二十六日癸巳日暈如白虹南北有珥引見左右大  
辨八省卿等於殿前詔曰朕德菲薄導民不明夙興  
以求夜寐以思躬居紫宮心在黔首無忝卿等何化  
天下國家之事有益萬機必可奏聞如有不納重爲  
極諫汝無面從退有後言二十七日甲午詔曰諺云  
歲在申年每有事故去歲庚申咎徵屢見水旱並臻  
平民流沒秋稼不登國家騷然萬姓苦勞加以朝廷  
儀表藤原大臣奄然而薨逝朕心哀慟况復災異之  
餘延及今歲風雲氣色有違于常朕心恐懼日夜不  
休聞之舊典王者政令不使事天地譴責以示咎徵

或有不善則致之異今群臣位高任大豈可不盡忠誠其有政令不便悉陳無諱直言盡意無有所隱朕將親覽於是公卿各上意見三月七日癸丑敕曰朕君臨四海撫育百姓思欲家家貯積人人安樂頃者旱澇不調農桑有損遂使衣食乏短致有饑寒言念于茲良增惻隱今減課役用助產業其左右兩京及畿內五國並免今年之調七道諸國亦停今年之役夏四月九日乙酉征夷將軍多治比縣守鎮狄將軍安倍駿河等事竣還京本書在癸卯下今推步叙之二十七日癸卯令天下諸國舉力田五月三日己酉太上天皇不

豫大赦天下五日辛亥令七道按察使及太宰府巡省諸寺隨便併合六日壬子詔曰太上天皇聖體不豫寢膳日損每念至此心肝如裂因欲歸依三寶祈其平復宜簡取淨行男女一百人得度修道六月十日乙酉太政官奏請以按察使准正五位官賜祿及公廨田仕丁詔曰朕之肱股民之父母獨在按察寄重務繁與群臣異宜加祿一倍便以當土物准度給之又陸奧筑紫邊塞之民數歷烟塵疲勞戎役加以父子死亡室家離散言念於此深以矜懷宜勿出今年調庸諸國兵衆殺獲逆賊乘勝追北者給後二年



冒犯矢石致戰死者父子並復一年如無子者鄉里  
議其親族亦聽復之二十六日辛丑割信濃置諏方  
國秋七月四日己酉始令文武百官率妻女姊妹會  
于六月十二月晦大祓七日壬子征隼人副將軍笠  
御室巨勢真人等還京師斬獲一千四百餘人二十  
五日庚午詔曰凡膺靈圖君臨宇內仁及動植恩被  
羽毛故周孔之風最先仁愛李釋之教深禁殺生其  
放鷹司鷹狗大膳職鷓鴣諸國雞猪悉放本所令遂  
其生其放鷹司及職長上等並停之九月十一日乙  
卯天皇御內安殿遣使奉幣帛於大神宮公事根源  
以此爲例

幣之始說見仁  
明紀兼和元年以井上女王爲齊內親王冬十月九  
日癸未太政官處分唱考之日三位稱卿四位稱姓  
五位先名後姓自今以去永爲恒例十二月六日戊  
寅太上天皇彌留大赦天下令都下諸寺轉經七日  
己卯太上天皇崩遣使固守三關梅後世國有大喪  
必固三關蓋防于  
此故此  
後不書十三日乙酉葬元明天皇二十九日辛丑地  
震是月新羅貢調使至以國喪從太宰府放還  
六年壬戌春正月癸卯朔詔曰朕以不天奄丁凶酷  
嬰蓼莪之巨痛懷顧復之深慈悲纂纏心不忍賀正  
朝廷禮儀宜悉停之二十日壬戌以正四位上多治

比三宅麻呂誣告謀反流於伊豆嶋正五位上穗積  
老指弁乘輿流於佐渡嶋十八日庚申雷二月壬申  
朔以正四位下安倍廣庭參議朝政賜有學術者二  
十三人田三月壬寅朔日有食之夏四月十六日丙  
戌授征討蝦夷隼人將軍已下及有功蝦夷譯語人  
勲位各有差二十一日辛卯詔曰朕遐想千載旁覽  
九流詳思布政之方莫先仁恕之典故賑恤之惠無  
隔遐方撫育之仁並覃寓內今有司奏言諸國罪人  
總四十一人准法並當流已上者每聞此奏朕甚愍  
之萬方有罪在予一人所奏罪人並從坐者宜咸放

免勿按檢焉唐人王元仲造飛舟獻之五月十日己  
卯以式部大錄津主沼麻呂爲遣新羅使秋七月三  
日壬申客星見閣道旁五日七日丙子詔曰陰陽錯  
謬災旱頻臻由是奉幣名山奠祭神祇甘雨未降黎  
元失業朕薄德所致百姓何罪宜大赦天下令國郡  
司審錄寃獄掩骼埋胔禁酒斷屠高年之徒勤加存  
撫十日己卯太白晝見十九日戊子詔曰朕以庸虛  
紹業鴻業克己自勉未達天心是以今夏無雨苗稼  
不登宜令天下國司勸課百姓種晚禾蓄麥及大小  
麥藏置儲積以備年荒二十八日丁酉太白犯歲星

自五月不雨至是月八月十四日壬子詔以旱故免  
天下今年田租二十九日丁卯令諸國司簡點柵戶  
一千人配陸奧鎮所冬十一月七日甲戌始置女醫  
博士十九日丙戌詔曰朕精誠弗感穆卜罔從降禍  
彼蒼閔凶遘及太上天皇奄有普天誠冀北辰合度  
永庇生靈南山協期常兼定省何圖一旦厭宰萬方  
白雲在馭玄猷遂遠瞻奉寶鏡痛酷之情纏懷敬事  
衣冠終身之憂永結然光陰不駐儉及忌期汎愛之  
恩欲報無由不仰真風何助冥路其謄寫佛經若干  
召僧尼二千六百餘人設十二月七日齋於京師畿

內諸寺十二月十三日庚戌敕造佛像薦天武帝持  
統帝冥福二十三日庚申津主沼麻呂還自新羅  
七年癸亥春二月二日丁酉遣僧滿誓於筑紫造觀  
世音寺十四日巳酉詔曰乾坤持施壽載之德以深  
皇王至公亭毒之仁斯廣是以居南面者必代天而  
闡化儀北辰者亦順時以涵育朕巡京城遙望郊野  
芳春仲月草木滋榮東候始啓丁壯就隴畝之務時  
雨漸澍蟄蠢有浴灌之悅何不流寬仁以安黎元布  
淳化而濟萬物乎宜給戶頭百姓種子布糞二十三  
日戊午鑿矢田池夏四月八日壬寅太宰府言日向

大隅薩摩士卒征討隼賊頻遭軍役加之年穀不登  
飢寒交迫兵役之後必有饑疫冀降天恩給徭三年  
許之十七日辛亥太政官奏民戶漸多田地窄狹望  
請勸課天下開闢田疇奏可五月九日癸酉行幸芳  
野宮十三日丁丑還宮十七日辛巳大隅薩摩隼人  
朝貢秋八月八日庚子新羅來貢九月九日辛未熒  
惑入太微左執法冬十一月十一日癸卯左京人獻  
白龜十七日己酉造危村橋二十三日乙卯詔曰頃  
得左京人所獻白龜因下所司勅檢圖牒奏倂孝經  
援神契曰天子孝則天龍降地龜出熊氏瑞應圖曰

王者不偏不黨尊用耆老不失故舊德澤流洽則靈  
龜出是知天地靈貺國家大瑞以朕不德致此顯貺  
宜與王公卿士同慶斯瑞曲赦出龜郡免今年租調  
十一月二十七日戊子月犯房

八年甲子春正月壬戌朔以雨廢朝二日癸亥天皇  
御大極殿受朝二月四日甲午禪位於皇太子天平  
二十年四月二十一日庚申崩于寢殿年六十九諡  
曰日本根子高瑞淨足姬天皇火葬于佐保山陵天  
平勝寶二年改葬于奈保山陵延喜式曰奈保山陵追諡曰

元正天皇

天保九戊戌年秋九月十五日謹書寫之

中村萬喜直道

大日本史卷十五終

